

DES. ERASMI

ROTERODAMI LIBER DE SARCIEN/

da ecclesiæ concordia deq; sedandis opi/
 nionum dissiidijs, cum alijs non/
 nullis lectu dignis.

Omnia recens nata, & nunc primum typis excusa.



BASILEAE EX OFFICINA FROBENIANA

ANNO M. D. XXXIII.

Hicatio natus est D. Gas. Amerbachius, et D. J. Admillerus.

Cum gratia & privilegio Cæsareo ad sex annos.

DES ERASMI

A VERTUE DE LA LOI
D'EDUCATION
D'INSTRUCTION
D'INSTRUCTION
D'INSTRUCTION

CHACUN DES DEUX



1777

1777

1777

1777

CHACUN DES DEUX

CHACUN DES DEUX

Clariss. uiro Iulio Pflug. S. D.



VANT OPERE te pigeat horum semper in peius gliscentium dissidiorum, quātoq; pectoris ardore suspires pñs omnibus optabilem, ecclesię concordiam Iuli uir ornatissime, satis arguunt tot tuę ad me epistolę, semper candē occinentes cantilenam magnāq; instantia efflagitantes, ut huius tempestatis me sedatorem prębeam: quod quum tu nihilo uerecundius facias, q̃ si iubeas Pygmæum Atlantis uice, sustinere cœlum, tamen à me nullam admittis excusationem. Erras tu quidem mi Iuli uehementer ignorantia mei, uerum hic error quo maior est, hoc magis declarat insignem tuam pietatē erga dei domum, in qua tu non infimum tenes locum, tenesq; ob eximias uirtutes tuas meritissimo: quibus hoc decentius ornaris, quod hinc nullum omnino tollis supercilium, sed agnoscis domini munificentia. quales uiros si multos haberet Resp. Christiana, aut hi tumultus non extitissent, aut iam pridē essent consopiti. Ipse uero sic inter sacrum, ut aiunt, & saxum constrictus, ut quod flagitas nec recusare per te liceat, nec ex me pręstare ualeam, medium quiddam repperi, quo te posthac utar aliquanto placatiore.

Tractaui psalmũ 83. in quo diuinus ille spiritus mi-
 re nobis commendat ecclesiæ concordia. Non pa-
 rum iuuat hortator in hoc sanè negotiorum gene-
 re, in quo bona pars facti est, propensa uoluntas,
 cui nunquam deesse solet benigni numinis præsidij
 um. Quod si Christus & illud largiri dignetur, ut
 ecclesiasticæ pacis amor quo tu tam insigniter fla-
 gras, omnium animos corripiat, breui futurum est,
 ut nec tu flagitando, ne ego recusando sumam
 inanem operam, sed uterq; alteri gratule-
 mur. Verum à psalmo non te remo-
 rabor diutius. Datum Fri-
 burgi prid. Cal.
 Aug. 1533.

DES ERASMI ROTERO

DAMI DE AMABILI ECCLESIAE

CONCORDIA LIBER.



SALVVM octogesimum
tertiũ ob id selegimus enar
randum, quod in eo spiri
tus sanctus, multis argu
mentis magnacq̃ tum cui
dentia tum uehemẽtia, no
bis spetiosam illam ac bea
tam ecclesię cõcordiã com
mendat: qui sermo quum omni tempore salutaris
est atq̃ utilis, tum uero hoc seculo sectarũ feracissĩ
mo uidetur ita necessarius, ut non alio magis. Quis
quis igitur diligit pacem illam, quæ iuxta beatum
Paulum exuperat omnem sensum, quæc̃ sola cu
stodit & ab omnibus malis tuetur corda & corpo
ra nostra in pacificatore Iesu Christo domino no
stro, ad hanc auditionem aures animosq̃ attentos
adferat. Titulus nonnihil habet scrupulorum, sed
his quãta poterimus breuitate discussis ad pulcher
rimi simul & amœnissimi spectaculi contemplatio
nem alacriores ingrediemur.

Titulus igitur in codicibus nonnihil uariat, siue
id accidit scribarum studio, siue sermonis Hebraici

ambiguitas hanc nobis peperit uarietatem. Septuaginta sic reddidere: In finem pro torcularibus filijs Coræ psalmus. Hieronymus hoc pacto, Vincenti pro torcularibus filiorum Coræ psalmus.

Ro. 10 Quum audis in finem, intellige psalmum tractare de Christo, qui finis, hoc est, perfectio legis est omni credenti. Nulla est enim uera perfectioque iustitia, nisi per fiduciam synceram erga illum, qui solus fide purificat corda mortaliū. Quū audis Vincenti, siue pro uictoria, protinus in mentem tibi ueniat illud Paulinum, Neminem assequi beatam illam coronam gloriæ nunquā marcescentis, nisi qui legitime certauerit. Quidam ex Hebræi sermonis peritia submonuit pro Vincenti, potuisse uerti, effundenti sanguinem, ut non leuem & incruentam pugnam, sed acre præliū, & ut Græci dicunt *ἀσπονδον πόλεμον* intelligas. Quum enim qui huic militant mundo toties sua corpora telis hostium obijciant, suamque uitam ambigui Martis aleæ committant, ut supplicationem, ouationē, aut etiam triumphum assequantur, eumque ridiculum uerius ac ludicrum quam speciosum, quē nemo uir grauis absque risu uidere posset, cuius uniuersa pompa uno circumagitur die, quid non facient Christi milites, ut æternū illum triumphū assequantur in cœlis? Quanta nunc est gloria martyrum, qui suū effundendo sanguinē

sanguinem, per fidem uicerunt regna, operati sunt iustitiam, & adepti sunt beatas promissiones: Quorum encomia per uniuersum resonāt orbem, & angelis applaudentibus sempiternum cum duce suo Christo triumphū agunt in cœlesti Hierosolyma: Quancūq; & hi qui Paulo auscultantes amore Christi mortificant membra sua, quę sunt super terram, libidinem, auaritiam, iracundiam, aliosq; id genus affectus, spiritui reluctari solitos, nō incruento bello uincūt Satanam. Iam & in ipso psalmo fit mentio Tabernaculorū, siue tentoriorum, quod militiae uerbum est. Porro quod in titulo additur, pro torcularibus, nonnihil torfit Diuum Augustinum, eo quod in psalmo nulla fiat torculariū mentio. Itaq; confugit ad allegoriam. Verum animaduertere poterat Psalmorum titulos interdū indicare argumentum ex historia, uelut in Psalmū 33. Psalmus Dauid cum mutauit uultū suum coram Abimelech, & dimisit eum & abiit. Interdum diem festum quo decantari solet, uelut Psalmus. 91. titulum habet, Psalmus cātici in die Sabbati. 92. Laus cātici Dauid in die ante Sabbatū. 93 Psalmus Dauid quarta Sabbati. Nec oportet historicum sensum reiicere, quo locus fiat allegorię, quum ille sit huius basis & fundamentum, qui cognitus facit, ut aptius tractetur intelligentia retrusior ac mystica. Itaq; titulus propheticus

pheticus quā addit, pro torcularibus, indicat mensem septimum, qui apud nos September est. Nam prisci à mense Martio quum sol ingreditur Arietem faciebant anni initiū: & ab hoc numerantibus, quoniam quintus erat is qui post dictus est Iulius, Quintilis appellabatur, & huic succedēs Augustus, Sextilis, ac cæteri item usq; ad Decembrem, ex ordine sortiti sunt nomen. Quoniā autē mense Septembri uindemiæ tempus est, significantius erat, & ad mysterium accommodatius dicere, pro torcularibus, quām mense septimo. Sic Horatius initium ueris indicans non inamœna figura dixit, Zephyris & hirundine prima. Simul autem indicantur dies festi, quibus hoc canendi certamen inter prophetas celebrabatur. Hinc est quod aliquot psalmorū titulus habet mentionem Liliorum siue Rosarum, uernū tempus indicās, & eius temporis festa. Nam quum Iudæis tria fuerint festa præcipua, Pascha in memoriam prodigiose transmissi maris, & Pentecostes in memoriā legis in monte Sinai latæ ac receptæ, & tabernaculorū, de quo mox dicemus: Primum incidebat in ueris initium, Secundum in uer iam adultum, Tertium in autumnum. Nam Septimi mensis die xv festum erat scenopegiorum, à figendis tabernaculis dictum. Septem enim diebus iuebantur cōmorari in tabernaculis in memoriam ueteris

ueteris historiae, quod ex Ægypto profugi, per uastam & horridam solitudinem peregrinantes annis quadraginta habitarent in tentorijs, deo uiam monstrante, nocte per columnam igneam, interdiu per columnam nubilam, cuius interim beneficio, nec potus nec cibus illis defuit, nec uestes aut calciamenta detrita sunt. Quo tempore & templum ipsum erat tabernaculum, mansitque donec Solomon extrueret illud templum Hierosolymis, ipsis etiam ethnicis uenerabile. Huius tam benignae numinis prouidentiae ne uel ipsi possent obliuisci, uel ad eorum posteros non perueniret tanti miraculi notitia, iussi sunt quotannis circa uindemiæ tempus tabernaculorum festum agere per dies octo, idque mense Septimo: qui quodammodo sic in mensibus est Sabbatum, quemadmodum in diebus dies Septimus, in annis septimus annus qui terris quoque suum dabat ocium, in annorum hebdomadibus, Iubileus septem annorum complectens hebdomadas. Ex his ergo Septimi mensis octo diebus primus erat Sabbatum, utpote tertiae hebdomadis initium, & item Octauus quartæ hebdomadis initium. Vterque ieiunio & ocio peragebatur. Cæteri qui inter hos intercedebant, sacrificijs, hymnis, gratiarum actione & gaudijs solennibus transigebantur. Octauus tamen dies uelut noui festi principium erat, uidelicet cœtus siue

b collectæ

collectæ, quod tum præter impendia sacrificiorum ac donorum nonnihil à singulis colligeretur, in sumptus tabernaculi. His de rebus tractatur Leuit. 23. & Numerorum 29. Proinde quanquam in titulo non est expressa mentio tabernaculorum, est tamen tacite comprehensa, designato mense, quo Scenopegiorum festū celebrabatur collectis iam omnibus terræ frugibus. Mensis autem ille fermè totus festis & sacrificijs peragebatur, quo simul & Leuitis prouideretur, & populus agnosceret se quicquid terra produceret diuinæ munificentiae acceptū ferre debere: ut nec ad luxum abuterentur, si quando annona prouenisset largior, nec desponderent animum, si quis annus extitisset sterilior, ab ipsis admoniti tabernaculis, quod quum per steriles arenas ac sitiētes facerent iter, dominus non passus sit illis quicquam deesse, sed manna demiserit è coelo, aquam effuderit è petra. Nam qui fieri possit, ut qui sic uestit agrestia lilia, qui pabulum suppeditat passerculis, sinat famulos suos egere necessarijs, præsertim quum piorum sobrietas paucissimis sit contenta. Quo turpius est, quod hodie Christiani quidam, ubi diuina benignitas uberio rem annonā effudit, non ad gratiarum actionem, non ad liberalitatem in sacerdotes & pauperes, sed ad lasciuiam, luxum ac libidinem conuertuntur. Contra si paulo malig
gnior

gnior fuerit prouetus,obliti superioris abundantiae ac de futura diffidentes intendunt rerum pretia,contrahunt manus in egenos,accidunt quod debetur sacerdotibus,frustrantur creditores.Quanto dignius erat ijs qui Christi titulo gloriantur,ut quo parrior fuerit anni prouetus,hoc effusior esset diuitum in pauperes benignitas.Non enim deus in hoc dedit messem uberiores,ut in tuis horreis frumenta computrescerent, sed ut quod superest in usus pauperum dispensaretur.Ita fieret,ut superiore fertilitate uideare non indignus, & in sequuturis annis maiorem domini liberalitatem promeraris.Porro festum illud tabernaculorum quod olim à Iudæis celebrabatur, *τυπικὸς* designasse celebritatem ecclesiae catholicae non obscure declarat propheta Zacharias capite 14. Erit ruina qua percutiet dominus omnes gentes quae non ascenderunt ad celebrandam festiuitatem tabernaculorum. In eodem Capite fit mentio torcularium, at huius psalmi argumentum ex eo prophetae loco sumptum uideri possit. Illud uigilanter annotatum est ab Hieronymo, tres esse Psalmos, quorum titulus meminit torcularium. Octauus qui inscribitur David. Octogesimus qui inscribitur Asaph, & hic octogesimus tertius qui inscribitur filiis Core. Quibus & hoc commune est, quod omnes meminerunt uictoriae. Ogdoas autem resur-

rectionis gloriæ dicata est. Hic est enim dies quem fecit dominus à mortuis resurgens, in quo iubemur lætari & exultare tripudijs spiritualibus. Nam ubi resurrectio, ibi uita est, Vita autem est innocentia, quemadmodum peccatum mors. Primus igitur dies plausibilis erat hominis ad imaginem dei conditi, de quo tractat Psalmus octauus, ostendens hominem ita cōditum, ut angelis esset proximus. Secundus erat hominis per legem ad innocentiam reuocati, quod indicat Ogdoas decies multiplicata, decalogum figurans. Hic tertius ostēdit hominem per Euangelij gratiam cō perfectionis euectum, ut licet corpore degeret in terris, per fidem tamen ac spem cōuersationem haberet in cœlis. Eoq̃ decem ogdoadibus additur ternio, quod per Euāgelicam lucem mundus uniuersus cognouit dilucide mysteriorum sacræ Triadis. Patrem nouerant & Iudæi, sed posteaq̃ filius assumpta natura humana in terris uisus est, & cum hominibus uersatus est, moxq̃ receptus in cœlum, emissio cœlitus spiritū innouante linguas ac mentes omnium, tum demum dilucide mundus agnouit, in tribus personis unum deum, & in eadem natura diuina tres personas, patrem & filium & spiritum sanctum. Quoniam autem gentes solent uindemias prophanis & impijs ritibus in honorem ridiculi Bacchi celebrare, in compositis ludis

dis, indecoris saltationibus, & obscenis uerbis lasciuientes, cuius insaniae dolemus in hodiernum usque diem nonnulla conspici uestigia: Moses publicam lætitiā ad religiosā gratiarum actionem, petulantē motus ad propheticas saltationes (Nam & Dauid in honorem dei ante arcam saltasse legitur) impios hymnos, & impudicos sermones ad mysticos psalmos conuertit, effecitque ut impurus cultus, quem aliæ nationes dæmonibus exhibebant, in ueri dei cultum uerteretur. Habebant & gentes in his festis sua certamina, in quibus homines parum sobrii, facie fecibus oblita de plaustris ridicula carmina iaciebant: uictori præmium erat hircus, dignum ut aiunt patella operculū. Hic inter prophetas erat certamen, plenū religionis ac reuerentiæ, Vnde psalmi complures in titulis habent, pro uictoria. Tale certamen & Apostolorū temporibus erat in cœtibus Christianorum, Vnus loquebatur linguis, plures, prophetæ officio fungebantur. Nec hic feruebat indecora cōtentio, sed si cui alteri fuisset reuelatum, prior tacebat. Nec uictus sibi displicebat, sed gratias agebat spiritui, qui per alium hoc docere uoluit, quod ipsum fugerat. Nec uictor efferebat animo, sciens totum hoc esse diuini spiritus energiam, qui cuique diuidebat sua dona pro ut uolebat. Tale canendi saltandi que certamen erat inter hos prophetas

tas. Hoc exemplo nos erudimur, ut siue laboramus
& affligimur aduersis siue rebus prosperioribus de
linimur, omnia in gloriam dei faciamus. Nunc com
plures Christiani tantū in morbis, bellis, alijsue pe
riculis deū inuocant, & ita distinguunt tempora, ut
tristitia secent deo, lætiora tribuant Satanæ. In fune
re charorum uideas aliquam pictatis speciem, in nū
ptijs, in uictorijs, in conuiuijs nullum Christianæ
mentis uestigium. Existimant abunde satisfactum
deo, si per tempus quadragesimæ paulo uiuant se
uerius. sed imminente quadragesima quæ irreligiosa
licentia, rursus exacta ea ferijs Paschalibus, quāta
auuiditate reditur ad intermissas uoluptates. Atqui
decebat Christiana gaudia non minus habere reli
gionis quā luctum. Quā diu uersamur in his
tabernaculis, sunt uariæ rerum uices. Est tempus na
scendi, & est tempus moriendi. Tempus nubendi,
& tempus abstinendi à nuptijs, tempus gaudendi
de natis liberis, & tempus lugendi defunctos libe
ros, sed Christianis nullum oportet esse tempus ua
cuum à pietate. Sub festum diem celebretur ieiuni
um, sed religiosum: festus dies requirit lætitiā, sed
spiritualem. Illic non nihil contristamur, sed secun
dum deū: hic lætamur, sed corā domino. Quem
admodum de gaudijs Euangelicis loquens Esaïas
cap. 9. ait. Lætabuntur corā te, sicut qui lætantur
in messe

in messe. Bene lætantur qui lætātur coràm deo, qui pura cōscientia illi pro tristibus pariter ac lætis gratias agunt. At qui læticiæ temporibus, alacritatē, temulentia, turpiloquijs & scortis indulgēt, coràm mundo fortasse lætantur, coràm deo insaniunt. Sed his forsitan diutius immoramur, quàm sat est, utinam & sine causa. Absoluamus igitur tituli mysterium: Octauus Psalmus inscribitur David, quæ uox Hebræis sonat manu fortē, Octogesimus Asaph, quæ sonat, cōgregantem, Hic octogesimus tertius, filijs Core, hoc est caluariæ. Iuxta sensum retrusiorē, tribus nominibus idem Christus significatur. Ille condidit hominem rectum: pater enim per filium condidit uniuersa, quæq; in cœlis quæq; in terris. Id nemo potest nisi omnipotens, unde Paulus scribens Hebræis filium appellat uerbum uirtutis paternæ. Idem hominem collapsum, eoq; deiectum, ut iam comparandus esset brutis animātibus, & similis factus esset illis, ne dicā deterior, recollegit per legem, & donec ueniret plenitudo temporū uelut cancellis inclusit. Vnde & synagoge uocabulum, & Psalmus Asaph, increpando prouocat ad legis obseruationem. Israel, inquit, si audieris me, non erit in te deus recens. Deniq; congregatoris personam ipse dominus proficitur in Euangelio. Hierusalem Hierusalem quæ occidis prophetas, & lapidas eos qui missi sunt

sunt ad te, quoties uolui congregare te, sicut gallina cōgregat pullos suos sub alas & noluisti. Tandem ubi uenit plenitudo tēporis, idem factus filius Core, in monte Caluariæ sublatus in crucē uniuersum orbem ad se cōgregauit, & in eodem resurgens deuicto Satana triumphauit. Hic fortasse scrupulus aliquis tanget animū lectoris, quomodo Christus filius dei, dicatur filius Core, qui quum esset ex Leuitis præcipuus, ambiit summū sacerdotium, & adiunctis sibi Dathan & Abiron, totam ferè multitudinem concitauit aduersus Moysen & Aaron, sicut refertur Numer. 16. Cui quotquot pertinaciter adhæserunt, partim uiui à terra dehiscente absorpti sunt, partim igni cœlitus emissio absorpti. Sed nihil absurdi habet allegoria. Christus iuxta carnē è gente Iudaica duxit originē, pertinaciter rebelles aduersus deum, de qua queritur per Esaïam propheta:

Esa. 65 tam: Extendi manus meas tota die ad populū non
Rom. 10 credentem & cōtradicentem mihi. Rursum in Psalmis: Quadraginta annis proximus fui generationi huic, & semper dixi hi errant corde. Quam pertinacem rebellionem exprobrat illis & Stephanus in Actis Apostolorū: Vos semper spiritui sancto resistitis. Complures autem Psalmi in titulis habent filios Core, nec ullius tamen nomē exprimitur, quasi satis esset ad illorū laudem, dici filios Core: quum
 iuxta

iuxta communem hominū sensum ignominia uideatur, scelerati patris & horrendo exemplo dam-
nati cognomine designari. Quis enim sustineat ap-
pellari filius aut nepos Iudæ proditoris? Et tamen
scriptura laudis gratia notat posteros Core, proge-
nitoris nomine, cuius impietas illustrauit filiorum
pietatem, qui cum essent arctissimis naturæ uincu-
lis astricti seditionis autori, tamen in illis affectum
naturæ uicit amor religionis. Siquidem ut est pro-
babilis cōiectura, aut auscultantes Mosi resipuerūt
separaruntq; se à patre, aut sic apud illum remanse-
runt, ut impio proposito nequaquam assentirētur,
eoq; illo cum suis absorpto filij seruati sunt, ut legis
Num. 26. nec ob patris scelus à tabernaculi ministe-
rio submoti sunt, sed honorifico Ianitorum officio
functi sunt, quēadmodū refertur 1. Paralip. cap. 26.
Insuper & prophetico spiritu præcelluerunt. Ergo
quum deus non imputet parentum commissa filijs,
nisi facta illorum imitentur, inique facit hominum
uulgus, qui liberis non aliter exprobrat progenito-
rum scelus ac suppliciū ac si ipsi perpetrassent. Tu-
us inquit pater de peculatu conuictus, in crucem
actus fuit, & audes hiscere? audes uenire in conspe-
ctum hominum? Sed pulchrius est, ex malis pro-
gnatos uirtute claros euadere, quàm si quis bonus
nascatur ex bonis. Cæterum iniquius etiam faciunt
c qui

qui filijs non scelera parentum, sed fortunā aut calamitatem probri gratia obijciunt. Noui inquit patrem illius seruum, aut uidi mendicū. Et qui hæc dicunt, ipsi sibi ignoscunt, quod dediti uitijs turpissimam seruitutē seruiunt Satanæ, quod pauperum rapina ditescunt. Ex patre seruo nasci nō est turpe, sed seruire libidini, auaritiæ, cæterisque uitijs turpissimum est. Mendicare panem si urgeat egestas, non est turpe, sed egenis non impertire necessaria, ac rapto uiuere crimē est exprobrabile. Et qui sibi ignoscunt uera propriaque commissa, proximis exprobrant alienam fortunam. Quanto deus ciuilior erga nos. Nō imputat nobis nostra delicta, quorum semel poenituit. Quod facinus execrabilius quā fuit Core? Aut quod suppliciū detestabilius: haud illud quidem homine iudice, qui nonnunquam fallitur, sed deo. Et tamen huius filios sermo propheticus honoris gratia progenitoris nomine signare maluit quā proprijs uocabulis. Similis inhumanitatis est quod qui ex Iudæis progeniti, à parentum impietate conuersi sunt ad uerā pietatem, contumeliæ causa uocamus Maranos, quum ea gratia plus illis honoris debeatur. Quod si iustum maiorum uicia impingere nepotibus, unde nos prognati sumus? Nōne ex his qui in ueri dei contumeliā, coluerunt ligna & lapides? qui martyrum sanguinem

guinem effuderunt. Sed ad rem. Core, Dathan, Abiron & Hon conati sunt diuidere tabernaculum quemadmodū heretici ac schismatici semper conati sunt ecclesiā discindere: sed ut in illos præsens ira dei defauit, ita qui moniti nolunt ab impijs sectis ac seditiosis conatibus resipiscere, hos sine dubio manet gehennæ incendiū. Atq; in simili rerum statu, oportet omnes esse filios Core, ut nec filius contra pietatē adhareat patri, nec frater fratri, nec uxor marito, nec gener socero, sed ab impiorum tabernaculis secedendū est, si non corpore, certe animorum dissensione: & si quid erroris per incogitātiā obrepserit, auscultemus Mosi, & moniti meliora sequamur: quo post exantlatos huius uitæ labores, in monte domini bibamus mustum sempiternæ lætitiæ, & cōcorditer uiuētes in tabernaculo dei quod est ecclesia, recipiamur in cœleste tabernaculū ecclesiæ triumphantis. Video me in explicando titulo prolixiorē fuisse, q̄ proposueram: ad Psalmum igitur properabimus.

Quam dilecta tabernacula tua dñe uirtutum. - Abruptum huius psalmi exordium declarat impotens animi desiderium. Quod genus est & psalmi 72. Quam bonus Israel deus ijs qui recto sunt corde. Aptius est quod legit Augustinus, Quæ amabilia, Græce est ἀγαπῆτὰ. Nihil est pulchrius,

nihil amabilius, nihil tutius aut firmitus bonorū in bonis consensu: ut contra nihil turpius, nihil abominabilius, nihil infirmius conspiratione malorum in malum. Habent enim & impij tabernacula sua, quorū & hic psalmus meminit, & is qui hunc proxime præcedit. Quoniam cogitauerūt unanimiter, simul aduersus te testamentum disposuerunt: Tabernacula Idumæorū & Ismaelitæ, Moab & Agareni, Gebal & Ammon, & Amalech, alienigenæ cū habitantibus Tyrum. Et psalmus secundus, Principes conuenerunt in unum, aduersus dominum & aduersus Christum eius. Sicut est unica ecclesia, & tamen Paulus ita loquitur: Sicut in omnibus ecclesijs doceo, sentiēs esse multas distinctione locorum ac personarum, unicam professione fidei, & sacramentorum communione: ita multa leguntur tabernacula dei, quā reuera sit unicum tabernaculū uniuersos electos cōplectens, quoniā omnes in Christo sunt idem. Contra impiorum quoniam in religione ac fidei dogmatibus dissentiunt, nullum est cōmune tabernaculū, sed impij cū impijs sic dissentiant, ut uarijs quidem modis ac nominibus, sed tamen pari impietate dissentiant à tabernaculo dei. Olim Græci & Romani deridebant Ægyptios, bouem Serapim, & Cercopithecus, atque adeo cepe pro dijs colentes, sed ipsi interim lapides ac ligna,
aut

aut in his latentes dæmones pro uero deo colebāt. Sic Lacedæmoniꝝ habebant sua tabernacula diuerſa à tabernaculis Aſianorū. Habebat & Gallia Druidas propriæ cuiuſdā religionis magiſtros, ſed cum uera religione pugnantes. Horū typum geſſit Dathan, Abiron, & Hon. In ſuo quiſque tabernaculo ſtabat paratus ad pugnā. Erāt inter ſe diuiſi, in hoc cōcordes, ut Moſen expugnarēt. quemadmodum diuerſarū gentiū diuerſæ religiones, inter ſe diſcordes, mira tamen cōcordia & ſyncretiſmo, perſequebantur Iudæos, ac poſt maiore conſpiratione Chriſtianos. Hæreticorum autē diſidia figurabat Core, qui non reſceſſit à tabernaculo dei corpore, licet animo eſſet ſeiunctiſſimus. Siquidem hæretici affectant uideri ueræ religionis aſſertores, & quemadmodum ille conabatur Aaron à ſacris ſubmouere, ita iſti perſuadere conantur catholicæ doctrinæ ſectatores eſſe tyrannos & hoſtes eccleſiæ. Et quemadmodum unusquiſq; hæreſiarcha clamat, hic eſt Chriſtus, non iſthic. Ita Core grex dicebat, omnis multitudo ſanctorum eſt, in iſtis eſt dominus. Ante redemptoris aduentum apud Iudæos Sadducei & Herodiani habebant ſua tabernacula, ſed nec amabilia, nec ſpecioſa. Cæterum iam per orbem diſfundente ſeſe luce Euangelica, quàm multa q̃ abominanda tabernacula hæreticorū conſtiterunt ad-

uersus tabernaculū dei: Quis non inhorrescat si uel
legat quę turpitudinum scena fuerit in tabernaculis
ophitarum, qui serpentem pro Christo ueneraban
tur, Cainorum qui Cain parricidam & Iudam pro
ditorem inter præcipuos habebant sanctos: Nico
laitarum quibus uxores erāt communes. Adamia
norum, qui nudi cum nudis fœminis ad sacra con
ueniebant, hac scilicet specie, Adam & Euam adhuc
innocentes è paradiso nobis repræsentantes. Et ta
men ijdem nuptias auersabātur. Quæ dogmatum
portenta, quæ monstra turpitudinum perageban
tur in tabernaculis Basilidis, Colarbasī Priscillæ ac
Marcionis: Manicheorū fœda mysteria, quis pos
set absq; nausea uel legere uel recensere: Quis non
excretur Sabellianorū, Arianorum, Eunomiano
rum blasphema in Christum, aut in totam potius
trinitatem conuenticula: Quibus præstigijs, quibus
technis, qua crudelitate conati sunt catholicam ue
ritatem obtuere: Operę precium fuerit unum & al
terum illorum stratagemata referre, ut hinc fiat con
iectura, quantum malitię texerunt illa tabernacula.
Athanassium inuictum catholicę ueritatis propu
gnatorem, quoniam scripturis & argumentis supe
rare non ualuerunt, fictis criminibus statuerant op
primere. Constantium Cæsarem, maliciosis sugge
stionibus sic irritarāt in uirū sanctissimū, ut iusserit
apud

apud Tyrum coacto concilio cognosci de Athanasio, delegato ad id comite quodam à latere suo, qui cognitioni præsideret. Duo præcipua crimina intentabantur, mulier ui cõstuprata, & brachium homini defuncto abcißsum in usum maleficarũ artium. Conducere mulierculam quæ huius tragœdiæ partem ageret, non erat difficile: sed ad probandũ maleficij crimen accersierãt Arsenium quendam olim Athanasij lectorem, qui ueritus episcopi quẽ offenderat correptionẽ ab eo profugerat. Hunc diebus aliquot abditum seruarãt Ariani, ut cum fide mentirentur esse mortuum. Is tamen ut intellexit, quid in Athanasium molirentur, siue exhorrens facinoris atrocitatem, siue cupiens hac occasione cum episcopo suo redire in gratiam, noctu clam profugit è latebris, & Tyrum ad Athanasium nauigio peruenit, eiq; rem omnem aperit. Ibi uir ut insigniter pius, ita mire solertis ingenij, quippe qui iuxta præceptũ domini columbinam simplicitatem cum serpentis prudentia coniunxerat, iubet Arsenio, ut abdat sese, donec in rem præsentem euocaretur. coacto concilio, prodit mulier, infertur horrendo spectaculo loculus defuncti, ostenditur brachiũ hominis resectum loculo impositum. Horror etiam bonorum animos peruaferat. Quis enim crederet illa fingi à sacerdotibus? Mulier quæ fuerat edocta narrat, se quondam

dam Athanasium excepisse hospitio, & ab eo noctu, quum nihil ab illo metueret, per uim fuisse constupratam. Athanasius introductus est, ad hæc responsurus. Is qua præditus erat solertia, submonet Timotheum presbyterum suum, ut ipso tacente mulieri respondeat. Sciebat enim se mulieri ne de facie quidem notum esse. Quum illa perorasset accusationem, Timotheus, tu ne inquit, mulier ais te à me ui constupratam? Tum illa muliebri peruicacia, Tu inquit, tu inquam illo loco, illo tempore per uim meam pudicitiam cõaminasti. Erubere quidam tam facile detecta mulieris calumniã. Nec tamen absolutus est Athanasius, nec ad calumniæ poenã uocata mulier, quod iidem essent iudices qui accusatores. Itum est ad secundum crimen: En inquit ipsa res loquitur, hoc est Arsenij brachium, quod in quem usum amputaris, tu nobis Athanasi exponito. Hic simili solertia uir prudens rogat illos num satis nossent Arsenium, cuius hoc esset brachium. Respondent quidam se probe nosse Arsenij faciem. Petit Athanasius, ut liceret sibi accersere quendam, quoad eam causam haberet opus. Cõcessum est. Introductus est Arsenius, cuius facie nudata. Ecce inquit, Arsenius uiuus, ecce brachium dextrum, ecce sinistrum incolume, unde uos istud brachium amputaueritis, ipsi narrate. Quid hic expectas, ut hic Athanasius

nasius fuerit expeditus? Imò discerptus erat inimicorum manibus, ni Archelaus Orientis comes qui & ipse ei consilio præsidebat, uirum sanctum è manibus illorum extractū per occultos meatus dimississet. Quid autē tergiuersari poterant, tam euidenter confutati? Vociferabantur hominem esse Margum ac præstigijs imponere oculis hominum, nec ullo pacto committendum esse, ut talis artifex uiueret. Rursus coacto concilio, perinde quasi legitime conuictus cōdemnatur Athanasius. Spargitur per uniuersū orbē fœdus rumor, per imperiales præfectos per omnes latebras terra marisq; quæritur uir cœlo dignus. propositis etiam præmijs, qui uiuum adduxissent, aut si minus id possent, qui mortui caput attulissent. Quid simile Iudæi moliti sunt in Christum? Imò quis fando audiuit inter ethnicos facinus execrabilius? Specimen dedi, talia sunt schismaticorum & hæreticorum tabernacula. Quid nunc cōmemorem de Circumcellionū furiosa crudelitate? Quid de Donatistarum uafricie, technis ac uiolentia? Hæc non ignorant qui legerunt Augustini de his actis cōmentarios. Sed hæc uetusta. Magis deplorandum quod nostra etiam memoria, reperta sunt conuenticula in quibus noctu post decantatas dei laudes, extinctis lucernis, promiscua Venere uiri cum fœminis miscebātur. Sit hoc leue,
d in quib

in quibus matres ultro tradebant suos infantes occidendos & tam immane facinus hilari vultu spectabāt, persuasæ sic interfectos inter præcipuos sanctos habendos. Quæ dementia uidetur ex hæresi quæ κατὰ φύσιν dicitur traxisse originē, qui Eucharistiā ex farina sanguine infantis macerata conficere solēt. Eum minutis punctiōibus excipiebāt. Quod si puerum eum mori contigisset, pro martyre colebatur. Vides in quæ portenta deuoluantur homines, qui semel deserto dei tabernaculo, sese manciparunt tabernaculis impiorū. Iam si præstanti forma puellam, cum anu deformi cōponas, & illa uidebitur amabilior, & hæc aspernabilior. Ita propheticus ac spiritualis oculus conferens synagogas Satanae, cū tabernaculo dei, in quo regnat cœlestis illa ueritas, in quo exuberat pax exuperās omnem sensum, in quo feruet charitas fuci nescia, triūphat fides inuicta, in quo uno ore, unaq; anima canuntur laudes dei, magis erūpit in uocem, Quàm amabilia tabernacula tua domine uirtutum. Piorū enim concordia cœlestis illius ecclesiæ imaginem nobis representat, in qua nulla est opinionum dissensio: Iam enim gloriam domini non in ænigmate, sed reuelata facie speculantur, summa animorum concordia, summa charitas, uno ore eademq; mēte deum hymnis celebrant. Adde huc, quod spiritualis oculus

lus, quem perspicacem reddit lumen fidei, plus cernit q̃ oculus corporis. Quid igitur ille uidet præterea? Videt Christum in medio suorum residentem ac benedicentē cœtui suo, quemadmodū ipse pronunciauit in Euangelio: Vbicunq; sunt duo uel tres congregati in nomine meo, ibi sum in medio eorū. Videt Angelos protectores ac ministros sanctæ congregationis, magna frequentia summaq; reuerentia uersantes. In tabernaculis impiorum omnia diuersa sunt, in quibus præsidet Satan, nuncq; nocentior, q̃ quum se transfigurat in angelum lucis, interfunt impij spiritus ad omne malum instigantes. Vt ne iam cōmemorem diuersum exitū. Quid Core & illi coniuratis acciderit sciunt omnes. Horribile spectaculum erat terrā dehiscere, ac uiua corpora deuorare, aut igni cœlitus emisso, aut fulmine consumpta tot hominum millia. Nam postridie reerudescente populi seditione, quatuordecim millia perierūt incendio cœlesti. Sed horribilius est, & animam & corpus mitti in gehennā. Nec omnino falsum est, quod dicunt quidam inuisibilem esse ecclesiam. Solus enim deus introspicit corda hominum, ac uere nouit, qui sint ipsius. Multis tamē argumentis sæpeprehenditur ubi sit ecclesia dei, ubi synagoga Satanæ. Multorum enim peccata præcedentia sunt ad iudiciū. Sed hæc ipsa ecclesia uisibilis

d 2 bilis

bilis quæ bonis habet admixtos malos, quantū habet alacritatis ac maiestatis, quoties ad pietatis cultum conuenit. Vbi is cui datum est donum prophetiæ, sincere tractat ac dispensat uerbum dei, populus religiosa attentione ac reuerentia auscultat, non ut uerbum hominis, sed ut uerbum dei. Quū interim qui docet, sic afficit, ut sentias Christi spiritum per os hominis loqui. Interea uidere est præsentem spiritus energiam in auditoribus. Alij suspirāt, alijs erumpunt lachrymæ, alijs hilarescit facies, in summa dicas omnes transfigurari. Rursum quum in solenni cultu, suo quisque munere fungitur, alius recitat sacram lectionem, alius decantat laudes deo, alius orat totius multitudinis nomine, tractatque mysteria, alijs hæc agenti subseruiunt, populus interim religioso silentio ueneratur hæc omnia. Quis hæc spectans non fateatur, amabilia esse tabernacula dei? Itidem quum procedit sollemnis ecclesiæ supplicatio decenti digesta ordine, etiam ij qui tantū spectandi gratia prospiciūt, uenerabunda quadam alacritate tangūtur. Postremo omnis legitimus cōuentus hominum ad rem honestam habet dignitatem quandam, atque adeo læticiam. Cuiusmodi sunt cœtus discipulorum ad professionē, aut diuersorum hominum ad disputationem publicā. Alcibiades quum primū esset uerba factururus apud populū Atheniensem

ensem, sensit animi trepidationem. Eam illi sic exemit Socrates. Rogat num posset contemnere coriarium aliquem? Respondit, maxime. Num figulum? respondit, facile. Num fabrum aut cementarium? Quum de singulis interrogatus respondisset apud quemuis istorum posse intrepide dicere: Atqui inquit Socrates, ex his constat ille populus quem tu ueteris. Quod si per se contemptissimis hominibus ipse conuentus conciliat dignitatem ac reuerentiam, quanto uenerabilior est coetus piorum hominum ad cultum dei uiuentis congregatorum? Tantam autem uim habet chorus unanimiter deo fidentiū, ut prophanos etiam rapiat in admirationem sui, sicut testatur Paulus, Idiotam aut incredulum ingressum ecclesiam sanctorum, procidere in faciem suam, & adorare deum, profitentem quod uere deus sit in medio suorum. Baalam propheta quidem erat, sed impius. Is tamen est monte conspectis Israhelitarum tabernaculis coactus est exclamare Quam pulchra tabernacula tua Iacob, & tentoria tua Israhel. Videbat idem felicem illorum mortem qui perseuerant in castris ecclesiae. Moriatur, inquit, anima mea morte iustorum, & fiant nouissima mea horum similia. Conspexit horum tabernaculorum pulchritudinem propheta sanctus quum exclamat in Cantico graduū: Ecce quod bonum & quod iucundum habitare fratres in unum. Vidit & Petrus

Nu. 24.

sed tanquam per somnium, quū in monte contem-
platus esset domini gloriam, & audisset Moſen ac
Heliam, de gloria mortis Dominicæ colloquentes:
Domine, inquit, bonū est nos hic eſſe, faciamus hic
tria tabernacula. Illic demum uera eſt cōcordia, ubi
lex & prophetæ conſentientes Chriſtum noui tes-
tamenti miniſtrum, non litera ſed ſpiritu prædicāt.
Hoc nec fit in ſynagogis Iudæorum, qui legem de-
torquent, nō ad Chriſtum ſed ad neſcio quem ali-
um meſſyam, quē tot iam ſeculis fruſtra expectant
infelices, nec in tabernaculis Manicheorum, qui to-
tum uetus teſtamentum ut non à deo ſed à principe
tenebrarum proditum reiſciunt: nouum ceu multis
locis falſatum ſuo arbitrio probant aut improbant.
Deniq; in nullis hæreticorum tabernaculis, ubi ſcri-
pturæ non ad Chriſtum qui eſt ueritas accommo-
dantur, ſed ad ſenſum humanum detorquētur. Id
enim ſemper fuit hæreticorū proprium. Siquidem
Præſcillianiſtæ nullius libri uel ueteris uel noui teſta-
menti autoritatem reiſciebant, ſed quū abſurdiſſi-
ma docerent quicquid cum ipſorum dogmatibus
pugnabat falſa interpretatione ad alienum ſenſum
deprauabant. Verum ut ad Pſalmi tenorem rede-
am, Si tabernacula dei intelligis, eccleſiam adhuc in
terris militantem, puta hæc dici, uel à catechumeno,
uel ab ethnico aut Iudæo reſipiſcēte, uel à peccatore
ſiue

siue hæretico schismaticoue redeunte ad cor. Sin de
ea parte ecclesiæ, quæ iam triumphat cum Christo;
puta quemuis pium hominem, cum Paulo cupientem
dissolui & esse cū Christo, dicere, Quàm amabilia
tabernacula tua domine uirtutum. Abruptum
sermonis initium declarat desiderij magnitudinem
à profunda cōtemplatione proficiscentis. Nec ociosum
est quod alloquens dominū dicit Tua. Quicquid
in ecclesia uirtutis, roboris, aut felicitatis est, do
mini est, non hominū. Ille gratis sibi redemit ecclesi
am, ille gubernat, ille tuetur aduersus omnes pro
cellas. Et quicumq; ecclesiæ resistit, non rebellat ho
minibus, sed deo. Hoc aperte loquitur per os Za
chariæ cap. 1. Qui tetigerit uos, tanget pupillā oculi
mei. Et Paulus audit: Saule Saule, quid me perse
queris? Rursus quemadmodū in Euangelio agno
scit sibi præstitum quicquid beneficij collatum fue
rit, uel in infimū Christiani nominis professorem,
ita quicquid malorū ingeritur in ecclesiā catholicam
sibi ingestū esse deputat. Talem præsidē ac propu
gnatorē quū habeat ecclesia catholica, frustra sunt
omnes impiorū cōspiraciones aduersus illam. Eoq;
psalmus addit, domine uirtutū. Virtutes autem hic
appellat, non à petas quæ opponuntur uicijs, sed
δυνάμεις, quæ uox sonat potentiam. Atq; hoc co
gnomento sacræ literæ nōnunq; designant deum.
Veluti

Veluti psalmo 23. Dominus uirtutū ipse est rex gloriæ. *Δυνάμει*. Precesserat enim, Dominus fortis & potens, dominus potens in prælio. Et in ueteris testamenti uoluminibus frequēter appellatur dominus Sabaoth, quod Hebræis sonat, uirtutum siue exercituum. *Δυνάμεις* in mysticis literis interdum declarat præcipuos Angelos quorū ministerio deus utitur ad electorum suorum protectionē. Hunc exercitum uidit Helizeus quum puero ad conspectum Syrorum exercitum exanimato diceret, Noli timere, plures sunt nobiscū quā cum illis. Et ad prophetæ preces aperti sunt oculi ministri, mox & ipse uidit montē plenū equitibus & curribus igneis. Nemo, inquit Christus, potest eos de manu mea eripere, quos pater dedit mihi. Concinit his canticū graduum. Nisi dominus ædificauerit domū, inuanum laborant qui ædificāt eam &c. Tempore Pauli nec opibus, nec uiris, nec ullis mundi præfidijs erat munita ecclesia, & tamē magna fiducia loquitur, Si deus pro nobis, quis contra nos? Moxq; eō fiducia prouehitur ut quum ecclesia tot malis undiq; premeretur, non uereatur dicere: Certus sum quod neque mors, neq; uita, neq; angeli, neq; principatus, neq; instantia, neq; futura, neq; altitudo, neq; profundum, nec ulla creatura alia poterit nos separare à charitate dei, quæ est in Christo Iesu, domino nostro

4. Reg. 6.

Ro. 8.

stro. Vnde tanta fiducia Paule, inter tot mortes, inter tot pericula, & foris & intus urgentia? Vnde isti spiritus, paucis, indoctis, priuatis, tenuibus & oppressis? Ex nobis, inquit, nihil possumus, sed dominus noster dominus est uirtutum. Siue igitur accipias uirtutes angelos, ecclesiae protectores, siue miracula, uterque sensus declarat ecclesiae dominum prorsus inuictum esse, quum sit omnipotens, ad cuius nuntum praesto sunt omnes Angelorum legiones, & qui facit mirabilia magna solus, quicquid uoluit fecit, in caelo pariter atque in terra. Ecclesiae primordia miraculis non humanis praesidijs inualuerunt. Et quoniam quicumque pie uiuunt in Christo Iesu, impiorum persecutionem patiuntur, humiles iuxta mundum ac pauci praeter his qui oppugnant, ad consolationem gregis pusilli dictum est, domine uirtutum. Hic est enim ille qui dicit in Euangelio, Nolite timere pusillus grex quia uestrum est regnum coelorum. Et rursus, confidite, quia ego uici mundum. Solus hic potuit alligare fortem, domumque illius ac suppellectilem diripere. Aestimati, inquit, sumus sicut oues occisionis. Quod animal oue imbecillius aut magis imbellius? Sed quid dicit Paulus iam e lupo factus ouis? Arma militiae nostrae non carnalia sed potentia deo, ad destructionem munitionum, consilia destruentes, & omnem altitudinem extollentem se

2. Cor. 10.

c aduersus

aduersus scientiam dei &c. Eodem in loco obiurgat Corinthios, quod quum adhuc essent carnales, ea tantum uiderent, quæ erant secundum faciem, atq; è rebus externis æstimantes apostolos, quod non solum iuxta mundum tenues essent, & humiles, uerumetiam afflicti, contemnerent eos, quum essent spiritualibus opibus ditissimi, spiritualibus armis munitissimi. Ita quorum oculos occupauit huius mundi potentia, quum metiuntur ecclesiam Christi externa specie, non solum contemnunt eam, uerumetiam abhorrent & auersantur. Tales erant olim qui baptismum in extremæ uitæ diem studio proferebant, nec nisi tristes ac deplorati ueniebāt ad atria domini. At qui spiritualibus oculis cernit gloriam filiæ regis ab intus, dicit cū propheta. Concupiscit & deficit anima mea in atria domini. Mediocria bona moderatis affectibus expetuntur, at illa quæ nec oculus uidit, nec auris audiuit, nec in cor hominis ascenderūt, quæ deus preparauit diligentibus se, ingenti desiderio expetant oportet. Hæc desiderij magnitudinē propheta expressit addens, & deficit in atria domini. *ἐπιθυμῶν* uulgare est, sed *ἐκλείπειν* non est nisi supra humanū modū desiderantium. Græci *ἄφροθυμία* appellant, quum propter uehementem & subitum spirituū motum homo destitutus animo sibi excidit ad tempus. Eam affectionē aliquando

aliquando gignit in homine, uehemens pavor, aut admiratio: unde stupefactos & attonitos dicimus. Nonnunq̃ ingens dolor, aut laticia præter spem obiecta, aut amor impotens. Vnde & in prophetis tragicædijs, Phædra ad Hippolyti conspectum concidit exanimi similis. Et historijs proditum est, mulierem ad inexpectatum filij sui introitū, quem acceperat in bello cecidisse, fuisse exanimatam. In eundem sensum usus est hoc uerbo Psalmo. iis. Defecit in salutare tuum anima mea. Defecerunt oculi mei in eloquium tuum. Huc pertinet quod sponsa loquitur in Cantico Solomonis. Fulcite me floribus, stipate me malis, quia amore langueo. Quæ fulciri postulat, periclitatur ne concidat. Idem enim accidit in spiritualibus quod in rebus externis. Requiritur moderata cognitio inter potentiam & obiectum. Alioqui si quod sensui obijcitur careat modo, sensum obruit: ueluti sol nulla nube temperatus, si intendas oculos corrumpit uisum, & sonitus immodicus adducit surditatē. Sicut literis eruditorum proditum est, apud Stadisin oppidū, ubi Nilus sæpe per Cataractas ingenti fragore præcipitat, indigenas nasci surdos. Item illud sæpenumero uidemus accidere, ut qui uehementer intendunt animum rebus supra modum subtilibus inuestigandis, incidant in dementiam. De Aristotele literis proditum est,

uere an falso nunc nō excutio, quod posteaq̃ inge-
nium suum diu multumq̃ torserat studio peruesti-
gandi causas, quur mare Euboicū secus q̃ alia ma-
ria septies in die decurreret ac recurreret, neq̃ quic-
quam proficeret, sese in ipsum abiecit mare, dicens,
quando ego nō te capio, tu capies me. Quo minus
mirandum est, si qui non contenti credere, quæ no-
bis tradidit scriptura, de diuina Triade multa scru-
tantur humanæ mentis captum in immensum exce-
dentia, in delirationem incidunt, ut iam comuni
quoq̃ sensu careant, qui supra humanū sensum sa-
pere uoluerūt. De quibus uaticinatus est Solomon:

25 Qui scrutator est maiestatis, opprimetur à gloria.
Esa. 40. De iisdem Esaias: Qui dat secretorum scrutatores,
quasi non sint. Sed iam dudū audire cupis, quæ sint
ista præclara bona, sensum humanū exuperantia,
quæ cōspexit, hic qui tanto desiderio gestit in atria
domini ingredi, ut præ admiratiōe deficiat animo?
An quisquam digne ualeat æstimare, quanta sit di-
gnitas, quantaq̃ felicitas, hominem peccatorem ac
Satanae laqueis irretitum, per fidem ac baptismum
gratis è mancipio diaboli cooptari in numerū filio-
rum dei, insitum corpori Christi, unū cum illo fieri,
ex hærede gehennæ fieri hæredem regni cœlestis,
allegi in illud gloriosum contubernium sanctorum
omnium, qui à condito mundo fuerunt, quicq̃ usq̃
ad con-

ad consummationem seculi futuri sunt, siue in cœlis, siue in terris? Tantus honos tantaq; beatitudo præstatur catechumenis in atrijs domini, priusquã admittantur ad penetralia. Nam atrium proprie nobilium ædium ingressus dicitur, Vnde serui atrien-
ses, qui atrio præsunt. Itaq; qui fidei oculis perspicit maiestatem domus dei, quid mirum si ad res diuinas, & humana natura superiores animo deficit, & affectu impotenti raptus sese præ desiderio non capit? Horatius homo facundus ad Mœcenatē accitus pauca loquitur, idq; ut ipse ait, singultim. Nec raro accidit uiris alioqui magnis & eruditis, ut in celebri confesso pontificum aut principum dicturis, uertigo oboriatur, sibiq; repente sic excidant, ut quæ mensibus aliquot meditati sunt proloqui non possint. Sed quid illius confessus maiestas ad ecclesiæ gloriam? Certius autem cernitur oculis fidei q̃ oculis corporis. Proinde qui frigidi & inuitis similes ueniunt ad baptismū, nondum peruiuent ad quam tam felicitatē recipiantur, eoq; indigni sunt qui possint ad quod inuitantur. Age si cui plebeio in teatro carcere marcescenti ueniat nuncius, dicens, Bonο esto animo: hodie liber Regiam ingredieris, futurus inter aulæ proceres, & regi charus: nōne periculus esset ne subito gaudio deficeret, & ne post carceris tenebras, ad regalis domus lucem ac maiestatem

statem admissus ipse sibi excideret? Sed quis carcer, quod barathrū tam tetrū est, quā est in quo detinentur, quos Satanas alligauit criminum uinculis? Aut quæ est usquam regia, etiam si omnī splendorem in unā conferas, quæ cum ecclesiæ maiestate possit conferri? Quod si merito reprehendendi sunt, qui tantam gratiam segnes ac languidi accipiunt, quāto iustius culpandi sunt, qui in huius regię penetralibus sordide & incompōsite uiuunt? Arbitror & in ipsis prophetæ uerbis aliquid latere mysterij. non dicit ego defeci, sed, Anima mea defecit. nec ait, ego exultaui, sed, Cor meum & caro exultauerunt. Animæ uox in literis sacris interdum humanum quiddam & infirmius sonat. Veluti quum

1. Cor. 2 Paulus loquitur Corinthijs. *ψυχὸς*, hoc est, animalis homo non recipit ea quæ dei sunt. Sic & Iacobus huius mundi sapiētiam, quæ fidem reiicit & humanis rationibus scrutatur diuina, animalē appellat. Sic & caro hominis crassius quiddam sonat, cui perhenne bellum est cum spiritu dei. Cordis uero nomine spiritum hominis siue mentem significare uidetur. Spirituum enim uitalium iuxta Phisicos fons in corde est. Est igitur caro quæ, autore Paulo, regnum dei nō ualet possidere. Et est Caro, cuius consortium nō patitur spiritus dei. Puta hanc esse infimam hominis partē. Sic est & anima, quæ repellit

repellit spiritum dei, quemadmodū ait sanctus Iudas, eos ceu digito notans, qui sectātes ea quæ sunt huius mundi, per sectas & schismata sceddūt ab ecclesiæ consortio. Hi sunt, inquit, qui segregāt semet ipsos, animales; spiritum non habentes. Iam est & cor hominis, in quod non ascenderūt ea quæ deus præparauit diligentibus ipsum. Quum igitur totus homo, ut omnes suas uires in unum conferat, non sit capax donorum cœlestium, quid superest nisi ut totus deficiat in sese concidatq̃, quo renouatus & erectus spiritu dei, per fidem perspiciat q̃ ingentia sunt quæ diuina benignitas nobis per filium gratis largitur, si digne accedamus ad illius tabernacula. Sic deficere proficere est, sic exanimari uiuificari est, sic sibi excidere, est reddi sibi, sic concidere, est erigi, sic suis uiribus destitui, est robustum fieri in Christo, sic emori, est in deum transformari. Nisi enim mortificetur quod animale est, non exoritur quod est spirituale. Itidem in rebus naturæ, corrumpitur siccum & informe semen, ut exurgat uiridis arbor. Emoritur deformis cruca, ut prouolet nitidus ac picturatus papilio. Marcescit cicada iam anus, ut ex sicco exuuio, prodeat noua succulenta modulator. Posteaq̃ igitur totus homo defecit, & defecit in tabernacula dei, tunc caro simul & anima & cor illius exultat in deo uiuo. Spiritus enim dei per fidem

dem innouat omnia, fitq; totus homo noua creatura in Christo Iesu. Nam est caro quę uidet salutare dei, & iuxta Paulum est corpus spirituale, & est cor mundum quod in nobis creat deus, & est spiritus rectus quem innouat in uisceribus nostris. Hinc nimirum nascitur illa spiritualis exultatio, non in opibus aut honoribus aut uoluptatibus huius mundi, non in forma uiribusq; corporis, non in sapientia humana, sed in deo uiuo, qui uitam dat mortuis. Is demum tuto gloriatur, qui beato Paulo monitore, in domino gloriatur. Scriptura frequēter hoc uiui cognomen attribuit deo, non tantum ad differentiam simulacrorum mortuorū, sed etiam ad declarandum illius omnipotentiam. Viuum enim dicitur quod est efficax. Non est magnum si credamus deum esse uiuentem, quū uiuant & bruta animalia, sed hic solus sic est uiuus, ut sit ipsa uera uita, unde uelut à fonte manat omnibus uita. Ego, inquit dominus, sum uia, ueritas & uita. Mortificato igitur uetere homine & sepulto in baptismo, nouus homo in se quidem mortuus, sed in se uiuentē habens Christum, totus exultat, gratias agens ei cuius gratuita munificentia sic transformatus est. Sara enim non genuit Isaac, hoc est, gaudiū spiritus, nisi posteaq; illi defecerāt muliebria. Sed unde genuit ex Abraham, carne emortuo, sed fidei uigore uiuo uiuidoq;

uiuidoq̃. Cæterū ipse propheta causam huius exultationis maluit per allegoriam nobis exprimere: Etenim passer inuenit sibi domum, & turtur nidum sibi ubi ponat pullos suos. Quàm magnificā rem quàm humili tropo expressit spiritus propheticus. Quid est igitur quod sic exultas, sic gaudio gestis ac triumphas, qui paulo ante defeceras? Quia passer, inquit, inuenit sibi domum, & turtur nidum, ubi ponat pullos suos. Naturæ instinctu omnia animalium genera, parāt sibi locum aliquem in quo post labores tuta conquiescant, & in hoc mira ingeniorum uarietas. Pleraq; procul in auia & impedita loca recedūt, quæ uix à uenatoribus peruestigantur, ut cerui. Apri fruticetis abdunt sese, Leones ac dracones speluncarum recessibus. Lepus auerso saltu mire fallit uenatorē, ne deprehendat cubile. Serpens in cauernis suis tutus est. Cuniculi subterraneis labyrinthis sese tuentur. Formicę in cauis effosis per hyemem latitant. Apes in cauis arboribus extruunt cellas suas, easq; crusto tenaci & amaro foris oblinunt, quo tutæ sint aduersus iniuriam. Habent & pisces recessus ac latebras suas. Auium magna pars in saltus inaccessos aut in loca palustria recipiunt sese. Aquila in præruptis ponit nidum, per dix humi. Alcyones in mari suspendunt nidū, tanta arte cōtextum, ut ne ferro quidem rumpi possit,

f nec

nec adhuc à quoquam deprehensum est, unde conficiant fluitantē domunculam. Complures surculis ac stipulis arte congestis in ædium fumarijs, aut in arbore suspensis nidulantur. Passeres & hirundines nos quoq; docuerunt ex uda argilla paleis temperata struere macerias. Et ne singula commemorando fiam prolixior, unum quodq; animal, ubi reperit in quo tuto cōquiescat, suamq; sobolem educet, suam felicitatem assequutum est, nec amplius quicquam desiderat. Habet enim naturę principia, quæ sunt tueri sese, & suam propagare speciem. Sed mirabitur aliquis quur ex omnium animantium generibus solæ nominētur aues, & in his passer tantum & turtur. Inter omnia animantium genera minutissimum est auīū genus. Habet terra elephantos, mare balenas, immani magnitudine. Inter aues autem minimus est passer, cuius uilitas, & uita solitudinis expers, nobis ore domini cōmendata est. Nō amat spiritus sanctus animos fastu turgidos, corporaliūq; bonorū amore grauatos, & ob id humi gradientes: uolucres amat animas, cœli cōmercio gaudentes: amat in suis oculis pusillos, iuxta mundum cōtemptos, amat totos de dei prouidentia pendentes. Si deus sic uestit, sic alit passerculos, quorū bini asse ueneunt, quid tu te discrucias, in extremam sepectam, ad quam fortasse nunquā peruenturus es, & in

& in liberos, nepotes ac pronepotes, per fas nefasq;
congerens diuitias, fortassis ad eos peruenturas,
ad quos tu minime uelles. Et si ex passerulis unus
non decidit in terram: nam hoc interdum fit, ex im-
modico, ut quidam tradunt, coitu: quid tu coopta-
tus in gregem illorum de quibus seruator pronun-
ciauit, ne pilum quidem capitis periturum sine pro-
uidencia patris, ad genethliacos & astrologos cur-
ris, metuēs ne ante diem tuum percas? Turtur hoc
habet cōmune cum columbis, quod suspiriū ædit
pro cantu, quod adulteriū nescit, imò ne digamiam
quidem. fertur enim, compare mortuo, nulli alteri
se iungere. Quare uox huius grata est spōsæ, in my-
stico Solomonis cantico. Vox, inquit, turturis audi-
ta est in terra nostra. Alioqui uernis mensibus lon-
ge dulcius canūt alaudæ ac lusciniæ, sed sponsæ plā-
cent turturum suspiria. Quotquot enim contemnūt
hunc mundum spe uitæ cœlestis, quandiu uersan-
tur in hoc corporis tabernaculo, ingemiscunt grau-
ti, eò sicut ait Apostolus, quod nolint expoliari, sed
superueſtiri, ut absorbeatur quod mortale est à ui-
ta. Adde quod in ueteri testamento turtur paupe-
rum erat oblatio, ut uilitas huic aui sit cum passere
cōmunis. Sibi uilissimus sit oportet qui uere agno-
ſcit in se nihil esse boni. Quid Paulo sublimius? ta-
men ut passerulus loquitur, quū ait sese abortiuum
f 2 & Apo:

2. Cor. 5

& Apostolorum minimum ac prorsus indignum
 Apostoli nomine, deniq; reiectamentum ac peripsema
 huius mūdi. Sed hæc uilitas una res est, quæ
 nos reddit preciosos in oculis dei. Hæc exiguitas ma-
 gnos & excelsos facit apud iustum iudicem. Vis au-
 dire huius passeruli magnitudinē? Omnia, inquit,
 possum in eo qui me corroborat. An non dicas hic
 e passerculo aut turture factum leonem? Ex diame-
 tro pugnant iudicia dei & iudicia huius mundi. Itaq;
 sicut mundus amat ac magnificat eos qui de mun-
 do sunt, ita odit ac cōtemnit eos qui de mūdo non
 sunt. Hebr. 11 Circumierunt, inquit, in pellibus ouium & ca-
 prarum, egētes, angustiatī, afflicti, in solitudinibus
 errantes, in montibus & speluncis & cauernis terræ.
 Quid contemptius? sed audi dignitatem. Quibus,
 inquit, dignus non erat mundus. Quid Paulo iuxta
 mundū abiectius, qui sese appellat peripsema, hoc
 est, purgamentū quod abiicitur? Sed idem ille tam
 despectus mundo, quanti fuit apud Christum, qui
 testatur illum sibi uas esse electum. Sed quid de cæ-
 teris sanctis loquor, quū ipse gloriæ dominus dicat
 per os Dauid: Ego sum uermis & non homo, op-
 probrium hominū & abiectio plebis. Atqui idem
 ille mundo cōtempnissimus est, in cuius nomine se
 flectit omne genu, cœlestium, terrestrium & infero-
 rum, quicq; pari consortio in gloria est dei patris.
 Nullus

Nullus igitur pie uiuens displiceat sibi, si cōtemptus & inuisus est ijs, qui hauserunt spiritum huius mundi. Est quidem pro uiribus enitendum, ne cui praebeamus offendiculum, attamen magnum est argumentum, nos esse gratiosos apud Christum, si citra culpam nostrā mundo simus inuidiosi. Quū mundum dico, nō designo professionem, uestem, cibos, aut titulum, sed animū Christi spiritu uacuū. Vulgus enim hac uoce quemadmodū alijs multis abutitur, mūdānos appellans, qui sacris initiati nō sunt, aut qui monasticam uitam professi non sunt. Professos autem appellant extramundanos & mundo mortuos. Atqui sicut sub omni ueste, quantumuis sit uilis aut *ἡγοῦται* latere potest mūdānus animus, ita sub ueste quamuis laica, aut etiam militari latere potest animus à mundo alienus, etiamsi plurima struthiocameli uolitet in pileo secto. Sed interrim fortassis subibit alicuius animū admiratio, quomodo repente, à tanta exultatione totius hominis, ad suspiriorum mentionē dilapsi simus, uelut à calcaria quod aiunt, in carbonariam. Quoniam hæ duæ res licet inter se pugnare uideantur, tamen ita sibi connexæ sunt, quandiu uersamur in hoc mortali tabernaculo, ac thesaurum cœlestem portamus in uasis fictilibus, ut altera ab altera seiungi nequeat, imò quod maius est, altera uicissim ex altera nascatur

scatur. Omnis nostra exultatio qui per fidem ambulamus, est in spe futurorum bonorum. Quæ quo clarius cernimus oculis fidei, quoque certius speramus, hoc maiora trahimus suspiria, sicuti uehementibus desiderijs omnis molesta est dilatio. Quoque magis ad illam uitam suspiramus, hoc magis exultat cor & caro nostra in deo uiuo, dum in mundo tristitiam habemus, in Christo solatium. Nihil hic perfectum est, uix quicquã tutum. Ex parte cognoscimus & ex parte prophetamus. Et qui stat, huic uidendum est ne cadat. In medio laqueorum ambulamus, quos omnes effugere difficillimũ est, ne dicam impossibile. At hæ molestiæ quas hæc uita secum defert, etiam si non tantũ ualeant, ut nos abducant à charitate, quæ est in Christo Iesu, tamen ab illa spiritali mentis exultatione frequenter auocant, & cogunt ingemiscere desiderio eius dici, quod contingeret quod perfectum est. Quis enim à tali exilio non suspiret ad talem patriam? Vis audire turgentem suspirantem? lege Psalmũ 119. Fleui mihi quia incolatus meus prolongatus est: habitauit cum habitantibus Cedar, multum incola fuit anima mea. Domine libera animam meam à labijs iniquis, & à lingua dolosa. Pij hominibus magna pars afflictionum est perpeti mores & linguas malorum. Hic enim locũ habet quod ait Ecclesiastes: qui apponit scientiam

scientiam, apponit dolorē, & in multo sensu multa indignatio. Lumen solis omnibus commune est, at non omnibus cōmune lumē fidei. Cedar Hebræis tenebras sonat. Quicquid autē moliuntur, qui mundi huius spiritū habent, mera caligo est, oderunt lucem ueritatis ac magis amāt tenebras. Et quā prope modum plus discriminis sit inter hominē fide illuminatū ac spiritualem, & hominē fide uacuum & carnalē, tamen in hac peregrinatione pī coguntur cum tam diuersis animis in eadē urbe & in unis ædibus uiuere. Sic Loth uiuens Sodomis animo, discruciabatur, optans cripi à nefariōrū consuetudine. Sed turturem eundem quem modo audisti grauius suspirantē, heu mihi quia incolatus meus prolongatus est, Audi rursus exultantem spe promissæ felicitatis: Lætatus sum, inquit, in his quæ dicta sunt mihi, in domū domini ibimus. Ausculta & aliū turturem insignem grauius ingemiscētē, patriæ cœlestis desiderio. Infelix ego homo, quis me liberabit de corpore mortis huius? Nunc & hūc ausculta exultantem. Repletus sum consolatione, superabundo gaudio in omni afflictione nostra. Hos gemitus uidemus semper fuisse grauissimos in uiris ad cœlestem beatitudinē anhelantibus. Hinc olim tot hominū examina non ferentium idololatrarū impietatem ac sæuiciā, occupauerūt solitudines Thebaidis

2. Cor. 7

baidis. Hinc prima monachorū origo. Satiū esse
ducebant cum leonibus ac pantheris habere com-
mercium, q̃ cum hominibus impijs. Alij secesserūt
in solitudines Syriæ, quorum est beatus Hierony-
mus. Alij in desertas insulas sese abdebāt. Alij mon-
tium cacumina, penè inaccessa obsidebant, ut D. Be-
nedictus. Nōnulli paludes horridas, & uix ulli ani-
mantium habitabiles scrutabantur, ut Patricius ac
Bernardus. Alij rupes & ipso aspectu horrēda que-
rebāt loca, ut Bruno, aut si quis alius fuit autor Car-
tusianæ sodalitatē. Hæc suffugia persuadebat p̃ijs
hominibus huius exilij tædiū. Studebāt sciungi ab
his qui habitabant Cedar. Sed hic quocūq; te uer-
tas, quocūq; te abdas in exilio es. Quare, pete q̃
uoles retrusas latebras, homo ad homines uadis,
atq; ut uniuersum hominū commerciū effugias ho-
minem tecum effers, mortale corpus tecum circum-
fers, quo grauatus sic ingemiscit Apostolus. Diuus
Basilius legitur monachos qui in solitudinibus pro-
cul ab hominum commercio degebant ad urbana
sodalicia reuocasse, quod uir prudens intelligeret il-
lorum plerosq; non euadere uere pios, sed superci-
liosus, falsa sanctimonix persuasione turgidos, irri-
tabiles, uindictes, morosos, sensus communis exper-
tes, & ad omnem uitæ functionem ineptos. Fatetur
idem D. Chrysostomus experimento cognosci, si
quando

quando ab illis ieiunijs, uigilijs & chameunijs ad
episcopi munus accerferetur. Foris quærebāt, quod
intus quærendum erat. Ponebant nidos, sed non in
atrijs domini, quum regnum dei sit intra nos. Hic
ipse sermonis cursus, admonet nos ut ad nidos re-
uertamur. Nidus est in quo acquiescit hominis de-
siderium, & in quo tranquillè fouet pullos, hoc est,
curas & cupiditates suas. Felix enim ille dicitur, qui
quū sapiat, nihil præterea desiderat. Id nulli mortu-
lium in hac uita potest contingere. Cæteris anima-
libus natura felicitatis terminos præscripsit, quæ si-
mul ut ad id peruenerint, ad quod condita sunt, su-
am quandam beatitudinem assequuta sunt. At ho-
minis animus quoniam diuinus est & immortalis,
nihil inuenit in hac uita in quo uere conquiescat, ni-
si fuerit assequutus ad quod conditus est. Quid est
igitur illud ad quod conditus est homo? Vt corpo-
re simul & animo cognoscat, amet, glorificetq; de-
um conditorem & redemptorem ac dominum su-
um. Hæc est, inquit dominus, uita æterna, ut cogno-
scant te solum uerum deum, & quem misisti Iesum
Christum. Cognoscere uidere est, & uidere frui est.
Frui, beatitudinis extrema linea est. Hæc felicitas
non cōtinget plene nisi in resurrectione iustorum.
Hic tamē aliquis nidus est in atrijs ecclesiæ, sed pen-
silis ac fixus in spe futurorū. Nam extra ecclesiam
g nulla

nulla est ueræ felicitatis spes. Tam immēsa, tam ca-
 pax res est animus humanus, ut eū solus deus pos-
 sit explere, etiam si illi præter deum sexcentos mun-
 dos addas. Quid quod etiam in rebus inanimis ui-
 deas unumquodq; ad suam ferri sedem? Lapis ex
 alto deiectus, simul ut terrā cōtigerit, quiescit, flam-
 ma quanto impetu fertur ad suum locū? Quid est
 hoc quod interdum sic concutit terrā, ut saxeos eti-
 am montes dirumpat, nisi Boreas, nitens in nati-
 uum erumpere locum? Sic uesica uento distenta ui-
 in aquam depressa exilit. Ignea res est animus ho-
 minis, qui quanquam grauatur hoc terreno corporu-
 sculo, tamen non conquiescit, donec ad natiuam se-
 dem subuolarit. Ac natura quidē omnes homines
 ueniantur ociū, quærunt aliquid in quo conquiescat
 animus, sed quoniam in rebus uel inanibus, uel pe-
 ritis figunt nidum, quo magis expetunt quietem,
 hoc maioribus turbis inuoluuntur. Quid enim ali-
 ud sibi uolunt tot ueterū uolumina de summo bo-
 no, de bonorum finibus, deq; animi tranquillitate,
 quam Græci uocant *ἡσυχία*. Alius posuit nidum
 in scientia, alius in indolentia, alius in uoluptate,
 quidam in habitu uirtutis, quem appellant sapien-
 tiam. Nonnulli in actu usq; uirtutis. Sed isti om-
 nes teste Paulo euauerunt in cogitationibus suis,
 & quū lingua magnificis uerbis alijs *ἡσυχία* poli-
 licerentur

licerentur, ipsi cor habebant irrequietum. Quur ita?
Quoniam non exultauerunt in deum uiuum. Si sic,
delirarunt sapientū proceres, quid attinet dicere de
idiotis? Qui diuitijs metiuntur felicitatē? Atqui po-
steaquam ad præscriptum sibi modū perueniunt,
sentiunt esse uerissimum quod scripsit ille Venusi-
nus, Crescentem sequitur cura pecuniā: Et, Crescit
amor nummi quantū ipsa pecunia crescit. Alij con-
temptis opibus regnum ambiunt ac monarchiam.
Quid enim aliud tanto rerum tumultu moliebatur
Alexander Magnus? Sed quotam ille mundi par-
tem sibi potuit subigere? Et si totū subegisset, quum
ex Democrito didicisset innumerabiles esse mun-
dos, ingemuisset, qui in unius orbis parte tam diu
laborasset. Quid nō & fecit & passus est Iulius Cæ-
sar, ut orbis Romani principatum teneret? Tenuit,
sed ibi non conqueuit animus, Imò curis & consci-
entia scelerum urgente, mente defectus est, ut uitæ
tædio mortem optarit, sed inopinatam. Nō potest
illuc esse uera quies, ubi est animus sibi male consci-
us. Finē nesciunt humanæ cupiditates. Hic sibi pro-
mittit ocium si talem puellam nanciscatur uxorem,
insigni forma, pulchreque dotatam, sed pro quiete
molestiarum agmen repperit. Ille sibi beatā uitam
pollicetur, si tale sacerdotium adipiscatur, sed asse-
quuto crescit uenandi acrior sitis. Connectitur sacer

dotium sacerdotio, eluctatū est ad Abbatis dignitatem, petitur episcopi mitra, & mitra, magis opima mitra permutatur. Iam animus anhelat ad Cardinalicium fastigium. Hoc ubi contigit, ambitur corona triplex. An hic tandem conquietur animus? Respondeat nobis Iulius secundus, cuius extrema senectus intolerabilibus rerum fluctibus iactata est. De cæteris iudicent alij. Non est absurdū, quod Diuus Augustinus interpretatur pullos, bona opera nostra, quæ nisi ponas in nido ecclesiæ catholicæ frustanea sunt. Phocion & Aristides, Traianus & Antoninus, alijq; complures multa fortiter, iuste ac pie gesserunt erga patriam. Laudatur Zenonis continentia, Xenocratis integritas, Socratis patientia, sed quoniam extra Christum facta sunt, non contulerunt ueram felicitatem. Iulianus imperator immensam pecuniæ uim effudit in subsidia pauperū. Sed aduersus Christum. Itidem in multis hæreticis quædam eximie uirtutes uixq; credibiles prædicantur. Magna diuitiarū cōtemptio in Ebionitis, prodigiosa orandi assiduitas in Euchitis, magna abstinencia ac uitæ seueritas in Manicheis. Sed hi frustra hæc omnia faciebant, quia non ponebāt pullos suos in nido ecclesiæ, sed in suis quisq; tabernaculis nidulati sunt, coq; conuenit illis illud ueteris prouerbij, ut è malo coruo nasceretur malum ouū, & expectatis turturum

turturum pullis, excluderentur aspides. Nos igitur si querimus ueram animi quietem, perseueremus in tabernaculo domini uirtutum, maneamus in unitate ecclesiæ catholicæ, quæ est Hierusalem, & ædificatur ut ciuitas, cuius participatio in idipsum. Hæc est enim illa beata quies, de qua dicit alius psalmus: In pace in idipsum dormiam & requiescam. Quoniam tu domine singulariter in spe constituisti me. Sion autem mons est Hierosolymæ, in quo tabernaculum erat & regia. Sion autem speculam sonat Hebræis. In hunc igitur montem ascendamus. Quomodo ascendemus? Contemptu rerum terrenarum ac desiderio uitæ cœlestis. Ibi post longas errorum amabages, post infrugiferas rerum humanarum curas delassati, inueniemus nidum in quo refocilemur, inueniemus requiem, quemadmodum dicit Psalmus 14. Dñe quis habitabit in tabernaculo tuo? aut quis requiescet in monte sancto tuo? Ingrediamur sine macula hæreseos, & proficientes in fide, quæ per dilectionem operatur, faciamus iusticiam, non Iudaicam sed Euangelicam, totum quod recte uidemur agere deo tribuentes. Vt autem in hunc montem subuelemus, simus animi demissione passeres, uiles minimè precij in oculis nostris, non solliciti de crastino, sed omnem sollicitudinē proijcientes in eum, cui non sit cura est. Simus innocentia & castitate turtures,

& intelligentes nos nō hic habere stabilem sedem, ad cœlestem illam Hierosolymam assidue suspiremus. Auscultemus uoci domini ad uerā animi quietem inuitantis: Venite ad me omnes qui laboratis.

Mat. 11 & onerati estis, & ego reficiam uos. Tollite iugū meum super uos, & discite à me, quod mitis sum & humilis corde: & inuenietis requiē animabus uestris. Iuxta sensum humanum absurdus est sermo. Nam quæ requies mitibus & humilibus qui conculcātur, & è sedibus suis exiguntur? Aut quæ requies ducētibz iugum? Seruitutis nomen est iugum, & iuxta Græcorū prouerbiū, Seruis nullū est ociū. Sed qui ad Christi exemplū mites sunt, terram possident: & qui iuxta mundū humiles sunt, in Christo sublimēs sunt, pertingentes usq; ad cœlum: & qui placido Christi iugo submittunt colla, uere liberi sunt. Submittunt autem qui citra disquisitionem fidunt illius promissis. Sequamur prophetam mystagogum, qui è uestibulo nobis ostendit q̃ amabilia, q̃ pulchra, q̃ suspiciēda sunt atria domini, quanq̃ placida sit in illis animorum requies. Nunc ex atrio ostendit nobis altaria domini, quæ sanctior & pulchrior templi pars est. Altaria tua domine uirtutum, Rex meus & deus meus. Apud Iudæos magna erat templi ac uasorū templi religio, magnificus altarium ornatus. Hinc illæ uoces, templū domini, templum

templum domini, & sanctissimū iusiurandum erat,
iurare per templum & altare. Nec fuit impune do-
mino dixisse, soluite templū hoc. Sed ista nihil ali-
ud erant quā typi rerum spiritualium. Propheta
dum hæc loquitur, aliud quoddam tabernaculum
non manufactum contemplatur, alia uidet altaria,
quæ sic admiratur, ut attonitū uerba deficiant. Qui-
dam enim hunc sermonem, Altaria tua domine, re-
ferunt ad superiora, q̄ dilecta tabernacula, quā
dilecta altaria. Augustinus annectit proximis, pas-
ser inuenit sibi domū, turtur nidum, ut appositue
sequatur, altaria tua, ut intelligamus ipsa altaria esse
nidos, in quibus conquiescimus. Mihi rectius uide-
tur, ut sermo sit inabsolutus, quo magis expriman-
tur admirantis affectus. Sic quū uidemus principis
domū magnifice extructā stupefacti dicimus, Pa-
latium regium. Et quemadmodū hic emphasis est,
in uoce regium, ita in prophetæ uerbis magna em-
phasis est, in pronomine, tua. Tu unus es dominus
uirtutum, & hæc tua sunt altaria, te digna, tibi grata.
Rursus pro uirtutum, Græcis est *δυνάμεις* de quo
prius admonuimus, Hebræis Sabaoth, hoc est, ex-
ercituum. Iteratio ad hoc fit, ut intelligamus eccle-
siam licet iuxta mundū contemptam & inermem,
tamen protectore deo exercituū inuictam esse, atq̄
ipsis etiam portis inferorū inexpugnabilem. Non
hæc

hæc sunt altaria quæ uitorum, hircorū & arietum sanguine cruentantur. Dominus iam olim per os Esaie hoc uictimarū genus fastidiebat. Quid igitur? Deus spiritus est, & spiritualibus uictimis delectatur. Non gaudet cæde pecudum, sed mortificatione cupiditatum spiritui reluctantium. Si amore Christi macastasti in teipso pecuniæ studiū, & quod prius abditū pro deo colebas, nunc erogas in membra Christi, gratissimam deo uictimā immolasti. Si iugulasti luxum & libidinem è lurcone factus sobrius, ex incontinente castus, acceptā deo hostiam macastasti. Si læsus à proximo, in gratiā Christi compescis effervescentem animū, ac uindictā remittis, gratissimū deo sacrificiū obtulisti. Si fide firmus & charitate feruens tua omnia teq; totū tradis uoluntati diuinæ paratus & mortem & gehennā subire, si sic illi uisum fuerit, gratum holocaustoma posuisti domino uirtutū. Hic est cultus rationalis siue spiritualis, & hostia uiua, sancta ac deo placēs, ad quam cum obsecratione nos hortatur Apostolus Ro. 12. Ita deus nō delectatur uapore thuris, aut myrrhæ, aut Storacis, sed amat suffitum spiritualem, uota ac preces piarum mentium, gratiarum actionem, & sacrificium laudis, quo deus gaudet honorificari. Per has uictimas iter est ad uidendum salutare dei, qui finis est & huius psalmi. Videbitur deus deorū in
Sion

Sion. Preces acceptæ sunt, quæ fiunt cum fide: & in nomine Christi, gratiarum actio, non tantum in prosperis, uerum etiam in aduersis immolanda est. Sacrificium laudis ita gratum erit, si iuxta Pauli doctrinam, quicquid facimus siue in uerbo siue in opere, non in gloriam nostram, sed in gloriam dei faciamus. Hæc oblatio uere munda, quia spiritualis, per uniuersum orbem iugiter offertur in altaribus ecclesiæ. In hoc nido tuti cõquiescimus ad tempus, quia altaria non sunt hominum, sed domini uirtutum, cuius uoluntati nemo potest resistere, qui per simplices & humiles colit, qui pusillis impertire uoluit dona regni cœlestis. Quo nomine & ipso patri gratias agit in Euangelio: Abscondisti hæc à sapientibus & prudentibus, & reuelasti ea paruulis. Ita patet quoniam sic placitum fuit ante te. Non est quod metuas mundum aut Satanam, si te recipit in tabernacula sua dominus uirtutum. Ille tuetur quod instituit, ille regit ambulans in medio suorum, ille consummat quod fecit, Dominus uirtutum tuetur, rex gubernat, deus euehit ad regna cœlorum. Rex meus & deus meus. Similiter loquitur Psal. 43. Tu es ipse rex meus & deus meus. Hoc proprie potest ad Christum ecclesiæ principem accommodari. qui Psalmo 2 loquitur: Ego autem constitutus sum rex ab eo, super Sion montem sanctum eius. Sub ditione dei sunt uniuersa.

Mat. 13

h Et dæ/

Et daemones agnoscunt omnipotentem & contramiscunt, sed fidei uox hæc est peculiaris. Rex meus & deus meus. Nemo potest dicere Dominum Iesum, nisi in spiritu sancto. Passim tamen audiuius uoces appellantium Dominum Iesum. Sic nemo potest dicere: Rex meus & deus meus, nisi qui se plena fiducia dei uoluntati permisit, & ab hoc uno præmium eternę felicitatis expectat. Alius psalmus populum illum beatū pronunciat, cui dominus est deus. Item quum alijs aliquot scripturæ locis, tum Leuitici 26 ita loquitur dominus: Ponā tabernaculum meū in medio uestri, & nō abijciet uos anima mea. Ambulabo inter uos & ero deus uester, uosq; eritis populus meus. Quem hic regem appellat, post appellat legislatorem. Itaq; si regem agnoscimus, pareamus illius legibus. Si deum agnoscimus, nihil supra eum diligamus, imò nihil omnino diligamus quod nō propter ipsum diligamus. Nomine regis & illud admonemur, quod sanguine Christi redempti sumus à tyrannide diaboli, & pro turpissimo simul & crudelissimo domino uenimus in ius clementissimi regis. Hactenus mystagogus siue hierophanta noster, ostendit nobis amabile domini tabernaculum, introduxit in atrium, cōmonstrauit altaria, & hostias spirituales. Nunc ostendit nobis eximios illos ac deo dignos sacerdotes, sacris operantes in templo

templo domini. Beati, inquit, qui habitant in do-
mo tua domine, in secula seculorum laudabunt te.
Qui fortes sunt in fide, qui radicati in charitate, iam
habitant, non in atrijs, sed in domo domini. Nam
habitare stabilitatis uerbum est. Et quare sunt bea-
ti? Num quod abundant opibus, aut præfulgeant
honoribus, aut affluant delicijs? Nequaquã. Quam
ob rem igitur? Quoniã, inquit, In secula seculorum
laudabunt te. Ecce tranquillam domum, quam rep-
perit sibi passer, ecce quietum nidum, quem reppe-
rit sibi turtur. Hic est enim supremus finis, ad quem
cõditus est homo, ut agnoscat, amet, & hymnis ce-
lebret conditorem, redemptorẽ, gubernatorem ac
remuneratorem suum. Iuxta sensum humanũ qui
laudantur potius beati uidentur quã qui laudant. At
in rebus diuinis, secus est. Deus enim nullius laudi-
bus fit felicior. Est enim eternus fons omnis glorię.
Sed quicunq; illũ laudat, hoc ipso beati sunt quod
laudant. At non omnes illum laudant qui canunt,
Gloria tibi domine, sed in quorum cordibus habi- *colof. 3*
tat charitas quod est uinculum perfectionis, & ex-
ultat pax Christi, ad quã uocati sunt, qui in unum
corpus coaluerũt, seseq; mutuo cohortantur in psal-
mis & hymnis & canticis spiritualibus in gratia, ca-
nentes in cordibus suis deo. Quod si uoce corporea
laudandus est deus, Psallamus spiritu, psallamus &

mentē. Non est speciosa laus in ore peccatoris, non est grata deo symphonia, ubi uocibus cōcordibus dissonant animi, deniq; extra domum dei, quæ est ecclesia, non est hymnus acceptus deo. Si uolumus esse beati, sic unanimes laudemus deum, quemadmodum laudant Angeli, inter quos nulla est dissensio. Vniuersa creatura suo quæq; more laudat dominum. Neq; enim cœli tantum enarrant gloriam dei, sed omne animantium genus, ipsa elementa & quicquid ex his gignitur dum ipso aspectu cōditoris omnipotentiam, sapientiam ac bonitatem nobis declarant, clamitant laudes dei. Eoq; in psalmis, & in Cantico trium puerorum, non tantum sol & luna, sed & pecudes & pisces, & montes & colles, & maria & flumina, inuitantur ad laudandum nomen domini. Soli spiritus impij, & homines mali nō inuitantur ad hanc symphoniam, quia per hos, quod quidem in ipsis est, blasphemia potius afficitur nomen domini. Sed quid sibi uult q; addit propheta, In secula seculorum laudabunt te. Quo loco subiicitur, Sela. Quod Hieronymus uertit semper. Tametsi sunt qui negent eam uocem æternitatis habere significationem, quod in scripturis nusquā reperiatur præterq; in Psalmis, & interdū his locis ubi nulla sit æternitatis significatio. Proinde existimant idem pollere Sela, quod diapsalma, quod indicium erat

erat mutandæ melodîæ . Nam psalmi uocibus ac
musicis organis canebantur . Habent autem & hoi
die musici signa quædam quibus admonetur, mu
tandam esse cantionis rationem . Neq; enim omnis
harmonia, cuius sententię cõgruit . Sic & in comœ
diarum deuerbijs tibię modos quosdã accinebant,
aut fortasse præcinebant, ex quibus populus intelli
gebat sententię genus, grauis esset an secus . In hoc
certe psalmo ab hac clausula uidetur esse alterius ar
gumenti exordium . Sed hoc utcunq; habet , certe
uerba in secula seculorum declarant eternitatem, ut
non possint quadrare in templum quod erat Hie
rosolymis . Id enim non ita multo durauit ultra du
centos annos . Quanq; Iudæorum uulgus sibi per
suaserat legem & illius templi religionem usq; ad
mundi finem duraturam . Quemadmodũ Romani
sibi persuaferant , Capitolium fore sempiternum,
quũ hodie Romæ ne uestigium quidem Capitoli
possint ostendere, nec Iudæi templi sui Hierosoly
mis . Aliud igitur templum uidebat oculus prophe
ticus in quo sine fine laudaretur nomen domini . Ea
nimirum est ecclesia catholica . Sed qui possit esse
perpetua laudatio, quũ mortales sint qui laudant?
Hæc ecclesia laudatrix domini, consummationem
expectat, finem nescit . Et sicut in pijs charitas nun
quam excidit, ita laudatio dei, hic exercetur, in cœlis

perficitur. Simul ut animus euolarit ex hoc terreno domicilio iam cum angelis ac beatis animabus limpidius canit laudes deo, donec recepto corpore non iam animali sed spiritali totus homo sine fine citraq; interruptionem resonabit conditoris sui laudes. Est enim una eademq; domus ecclesia militans in terris, & ecclesia triumphans in cœlis, nisi quod illa pars est purgatio. Quemadmodum idem est aer terræ quam calcamus proximus, & qui iuxta quosdam philosophos, lambit cōuexa orbis lunæ, sed hic ob terræ contagium crassior, ille purior. Nihil autem obstat, quo minus unusquisq; nostrum licet grauatus hoc mortali corpore, tamen sine intermissione laudet deum suum. Qui potest, inquis? Potest. Si quicquid cogitamus, loquimur, aut agimus, omnia in gloriam dei faciamus, etiam quum edimus ac bibimus, etiam quum dormimus, aut lusu corpusculum reficimus, laudamus deum nostrum.

1. Cor. 6 Glorificate, inquit Apostolus, & portate dominum in corpore uestro. Non omnia membra loquuntur, sed omnia membra corporis nostri glorificant deum, si seruiant iusticiæ, etiam si lingua sileat. Postquam propheta uelut ecstasi raptus peruenerat ad illam cœlestem Hierosolymā, in qua nulla est molestia quæ interpellat, nulla animorū dissensio quæ uitiat melodiam, nulla necessitas, quæ interrumpat hymnos

hymnos dei: quod ait beatus Paulus, siue excidimus, deo, siue sobrij sumus, uobis: uelut ad se rediens, metninit se hominem esse, & in hoc exilio uersantibus ostendit uiam qua ad illam beatam tranquillitatē perueniatur. Dixerat: Beati qui habitant in domo tua domine: etiā Angelos & pias animas cum Angelis uiuentes cōplectens. Hic mutata iam harmoniē specie dicit: Beatus uir, siue ut ex Hebręo uertit Hieronymus, Beatus homo. Viri nomē non excludit fœminas. In Christo nō est uir aut fœmina, non seruus aut liber, sed noua creatura. Hominis uocabulum admonet nos fragilitatis nostræ, cui nisi dei misericordia portigat manum, ne ad ecclesiæ quidem atrium potest accedere, tantū abest ut ad illam supernam beatorum sedem possit euolare. Aditus in ecclesiam fides est, sine qua nihil prodest baptismus. At fidem nemo sibi largitur, dei donum est, quo deus quos uult præuenit, & ad Christum trahit. Nam homo quatenus est homo carnalis est, & nihil nisi mundum sapit. Hoc perspiciebat propheta submissioribus iam modis ait, Beatus homo cuius est auxilium abs te: siue ut legit D. Augustinus, assumptio, Græce est ἀντίληψις, quæ uox conuenit in eum qui manū porrigit conanti ascendere. Nam & ecclesia ciuitas est in edito sita, quem admodum templū Hierosolymitanū erat in monte Sion

Sion. Hieronymus pro auxilio uertit fortitudinē. Voces dissonant sensus idem est. Nitentibus ad ardua, uiribus opus est. Homo autem ex sese nihil potest. Fides autē proprie robur addit homini, ut iam nec mundū nec Satanam metuat. Itaq; qui totam fiduciam in deo collocant, ij demum confirmati uigore spiritus ualent conscendere in montē domini. Ad templū illud Iudaicū quod extruxit Solomon, quindecim gradibus ascendebatur. In primo gradu propheta queritur de improbitate linguarū, tardioq; exiliū. In secundo confirmatur dono fidei, dicens: Leuaui oculos meos in montes, unde ueniet auxilium. Auxiliū meū à domino qui fecit cælum & terram. Fides est quæ stabilit gressus nostros, ne uacillēt. Ita Paulus Corinthijs: Fide statis. Item Ro. Tu autē fide stas. Et beatus Petrus hortatur, ut resistamus diabolo fortes fide. Is enim demum uere fortis est, qui in se imbecillis fortitudinem suam habet in deo. Quod indicans Esaïas ait fore, ut hoc canticum canatur in terra Iuda. Canticum est Euangelicæ professionis. Iuda enim Hebræis cōfitemem sonat. Quod igit canticū: Vrbs fortitudinis nostræ Sion. Sion ecclesia est, sed unde fortitudo imbellis? Seruator ponetur in ea murus & antemurale. Audis inexpugnabile munimentum. Idem ait, In silentio ac spe, erit fortitudo uestra. Tacitus expectat qui nihil

2. Cor. 1

30

nihil diffidit de promissis : & spes tantæ felicitatis
quæ non pudefacit, quia non fallit, etiam in medijs
afflictionibus ac mortibus exhilarat animû. In hac
igit uita nõ est perfecta beatitudo, & tamẽ magna
quædã beatitudinis pars est, dum reputamus ani-
mo, quàm sit momentaneum totû huius uitæ spati-
um, & quàm non sint condignæ afflictiones ad fu-
turam gloriam quæ reuelabitur in nobis. Ad hæc,
quàm bonæ certæq; fidei sit qui nobis eam promi-
sit: Vt enim nos illû abnegemus, ille fidelis perma-
net, seipsum abnegare non potest, tantû ut perseue-
remus in fide & charitate, continentes nosipfos in-
tra septa domus dei, in qua succrescentes usque ad
mensurã plenitudinis Christi, per quindecim my-
sticos gradus, ascendamus in æternum tabernacu-
lum, & per quadraginta mansiones, ad terrã illam
quietis, quam dominus in Euãgelio promissit miti-
bus, alacriter proficiscamur. In arduo est quod pe-
timus, egregium est quò tendimus. Nemo repente
ab imo ad summa prouehitur. Opus est qui com-
monstret uiam, quemadmodum deus Israhelitis,
qui nostri typum gerebãt, dux fuit per inuia deser-
torum: opus est qui è sublimi porrigat manû, & ni-
tentem sursum trahat. Horum nihil ipsi nobis præ-
stare possumus. Dominus est, qui & uelle & perficere
operatur in nobis. Ille per fidem aperit nobis
i oculos

oculos, ut uideamus ubi simus, ut horreamus quod sumus, & suspiremus ad ea quæ nondū sumus. Primum igitur auxiliū à domino, hoc est, primus beatitudinis gradus est, ut leuemus oculos in montes. Ecce quo datur, ut amemus cœlestia, & cōtemnamus terrena. Qui circumspectant suam sapientiam, suas uires, sua merita, qui tantum respiciunt ad ceremonias, condonationes ac diplomata pontificum, nunquam perueniunt ad illam beatitudinem. Quid igitur facit ille beatitudinis candidatus, cui dominus per fidem dedit, ut fastiditis humilibus mundi curis, oculos attollat in montes æternitatis: *ἀναβάσας* ascensiones siue gradus ascensorios disponit in corde suo. Quas hic appellat *ἀναβάσας*, in canticis graduum appellat *ἀναβαθμὸν*, qui gradus sunt, sed ascendentium, quum Latinis iisdem gradibus descendatur quibus ascenditur. Cæterū in negotio pietatis non oportet unquam retrocedere, sed oblitos à tergo relictorū semper ad perfectiora tendere. Respexit Eurydice, & relapsa est in Orcum. Respexit uxor Loth, & uersa est in petrā salis. Habet autem & pietas gradus suos, quemadmodū hominis ætas. Catechumeni parturiuntur, modo baptizati uelut infantes aluntur lacte, adultis pro solido cibo profertur retrusiora mysteria. Et Paulus sapientiam loquitur inter perfectos, inter infirmos proficitur se nihil

se nihil scire, nisi Iesum Christū & hunc crucifixum. Ergo qui sustulit oculos suos in mōtes disponit gradus ascensorios. Vbi? In corde suo. Nec mirum, ad illum enim montē non ascenditur pedibus sed affectibus. Sunt externi gradus, quos ut non oporteat reprehendi, tamen inutiles sunt, nisi gradus disponantur in corde. E laico fit clericus, è clerico fit hypodiaconus, ex hypodiacono diaconus, è diacono archidiaconus, ex hoc presbyter, è presbytero episcopus. Rursus è laico monachus, è canonico regulari Dominicanus, è Dominicano Franciscanus, è Franciscano Benedictinus, è Benedictino Cartusianus. Quāq̃ de his gradibus multa inter ipsos controuersia est, qui gradus hos disponūt ac digerunt iuxta res externas. Sunt qui putant Franciscanos in altiore gradu consistere, quod seminudis incedant pedibus, quod pecunias nō cōtingant. Rursus sunt qui his præferant Dominicanos, quod domi non uescantur carnibus. Vtrisq̃ præferūt Benedictinos, qui & pluribus horis canunt in templis, nec unquā domo prodeūt. Iam inter omnes summū gradum obtinent, qui lorica ferrea pro indusio cutem defricant. Hi gradus ita demū prosunt ad pietatē si domino auxiliante ueri gradus disponantur in corde. Desisti rapto uiuere, nonnullus ad pietatē gradus est. Non solum restituis fraude parta, uerumetiam

tua profundis in egenos amore Christi: Altiores
ascendisti gradū. E uiolento ac feroce factus es in-
nocens: Aliquem ascendisti gradum in corde. Stu-
des omnibus benefacere, in sublimiorē gradum te:
recepisti. Tandem & illis à quibus grauiter læsus es,
nō modo remittis uindictā ex animo, sed in Chri-
sti gratiam bene uelle & benefacere gaudes, ad uere
sublimem gradū emerfisti. Hęc exempli causa pro-
posui, de cæteris item quisq; apud sese consideret.
Hi gradus digeruntur in corde hominis, in intimis
animi recessibus. Hos igitur gradus quibus ad per-
fectionem tendimus, beatus ille disponebat in cor-
de suo, nō se iactans apud homines, sed se probans
inspectori cordium, sed auxilium non aliunde ex-
pectans q̃p̃ à domino. Atq; hæc meditatur in ualle
lachrymarum. Quid enim aliud est totus hic mun-
dus, nisi conuallis obscura, nascentium, parturienti-
um, morientium, ægrotantium, egentium, nauigan-
tium, belligerantium, alijsq; mille lachrymarū occa-
sionibus plena: à quibus nec potentes nec diuites;
nec reges ulli sunt immunes. Hæc est illa uallis A-
chor, id est, tumultus ac perturbationis, in quā præ-
cipitatus est Acham, ut habetur Iosue 7. In hoc lo-
co nos posuit dominus, posteaquā è paradiso per
inobedientiam excidimus, ut aliquātiſper in exilio
degentes per obedientiam fidei, & obseruationem
præcepto/

præceptorum dei moliremur reditum in patriam. Nec est quod nos huius uallis pigeat in hac descendere dignatus est ipse dei filius, ut nobis esset uia, ueritas & uita. Ergo quandiu uiuimus in hoc corpore mortali, uersamur in ualle lachrymarum. Sed dixerit aliquis: Frustra igitur homo disponit gradus ascensorios in corde suo, si permanendum est in ualle lachrymarum. Sed hæc uallis Achor uertitur in requiem armentorum, iuxta Esaïam 65. Daturque Hierusalem ad declarationem spei, Osee 2. Præter hæc oportet meminisse, quod in arcem Sion affectibus ascenditur, non pedibus, corde ascenditur, non sculis. Corpus hæret in ualle, animus eluctatur in montem. Ita uisum est regi nostro, ut per temporarias afflictiones huius mundi, pertingamus ad coronam immortalitatis. Nec uideatur huius militiæ dura lex. Rex noster qui nobis hanc legem præscripsit, ipse eam in se præstitit. Nec est quod despondeamus animū, qui nos ad certamen uocat, ipse dabit benedictionem, auxilians nobis in periculis, consolans in afflictionibus, ut possimus sustinere. Agonotheta noster euocat suos ad certamen, proposuit ingentia præmia, qui legitime certauerint: præsidet, non tantum ut spectator ac iudex, uerum etiam ut auxiliator. Ille suppeditat uires, suggerit alacritatē. Nam hic benedictio non est laudis uox, sed liberalitatis,

i 3 quem

quemadmodū loquitur Apostolus: Qui parce se-
minat, parce & metet. Qui seminat in benedictio-
nibus, de benedictionibus metet uitam aternam.
Aspera lex est, qui non tollit crucem suam quotidie
& sequitur me, nō potest meus esse discipulus. Qui
non odit patrem & matrem, præterea & animā su-
am non est me dignus &c. Dura inquam & horren-
da lex est, nisi accedat gratiæ largitas, quā ut osten-
deret & gratuitam & minime parcā esse, maluit
ἐν λογίᾳ appellare q̄ alio nomine. Sub lege Mo-
saica parciore erat gratiæ dispensatio, uerū simul ut
effulset humanitas ac benignitas dei nostri, qui non
ex operibus iustitiæ, quæ fecimus nos, sed secundū
misericordiam suā saluos nos fecit per lauachrū re-
generationis & renouationis, spiritum suum abun-
de effundit in uniuersam carnem. Apud homines
aliud interdū est benedicere, aliud benefacere: imò
frequenter hominis benedictio maleficium est non
beneficium: sed deo idem est benedicere & benefa-
cere. Religiose faciunt qui procumbūt & accipiunt
episcopi benedictionem, sed quanto iustius est nos
prosterni coram deo, ut illius impetremus benedi-
ctionem: Vide porrò quantum efficiat dei benedi-
ctio: Ibunt, inquit, de uirtute in uirtutem, & uide-
bitur deus deorum in Sion. Mirabitur hic aliquis
subito mutatū uerbi numerū. Modo dixit: Beatus
est cuius

est cuius auxilium abs te, & disposuit in corde suo. Hic ibunt de uirtute in uirtutem. Vnde repente ex uno plures facti sunt: In mysticis literis, dei benedictio affert fecunditatem, sicut maledictio sterilitatem. Maledicta terra in opere tuo, quā exercueris eam spinas & tribolos producet tibi. Contra quum deus creasset hominem ex uda argilla, uxorem ex una costa læui lateris, benedixit eis dicens: Crescite & multiplicamini, & replete terram. Item Psal. 105. Benedixit eis, & multiplicati sunt nimis. Atque ista quidem typi sunt rerum spiritualium. Itaque postea quam per Euangelij gratiam exempti sumus à maledicto legis, ac per spiritum sanctum effusa est in Apostolos benedictio, quāta celeritate ueri dei cultus, qui prius apud Iudæos uelut in orbis angulo coercebatur, sese diffudit per uniuerfas mundi nationes? Quot uirginum, quot martyrum, quot confessorum examina profilierunt? Vnde hæc prodigiosa fecunditas? Vnde nisi ex benedictione dei. Filij, inquit, tui de longe uenient, & filia tua de late Esa. 6 re surgent. Itaque deserta illa & uidua mulier, admiratur imperatam fecunditatē suam dicens. Et isti filij unde uenerunt? Venerūt ex omni natione quæ sub cælo est, ab Indis, ab Gadibus, à Thracibus, à Gothis, à Scottis & Hybernis. Itaque iam multiplicati benedictione dei, & animosi fide, alacres spe, ibunt de uirtu

de uirtute in uirtutem. Ne hic quidem est ἀρετή, sed
ἐν δυνάμει ἐς δύνανται, quod Hieronymus ex
Hebræo uertit: de fortitudine in fortitudinē. Non
nulla fortitudo est, pro Christo negligere uolupta-
tes, opes & honores huius mūdi: sed fortius est uin-
cere pietatis affectus in parētes, uxorem ac liberos,
longe uero fortissimum est, mortem & morte gra-
uiora tormenta uitæ cœlestis amore negligere. Qui
gradibus nituntur in altum, quo magis ascendunt
hoc magis lassescunt: at qui per hos gradus ascen-
dunt, quo longius eunt, hoc redduntur fortiores &
alacriores. Vnde tandem? Nisi quia res non est hu-
manarum uirium, sed benedictionis diuinæ. Alio-
qui unde tam præsens animi robur, tanta alacritas
Apostolorum, iuuenum, uirginum in squalore car-
cerum: in flagris & aculeis: in ipsis etiam mortibus,
ad quarum etiam cōmemorationem humanus in-
horrescit animus? Non aliunde, nisi quod Agono-
thetes ac legislator pro magnitudine tentationum
auget benedictionem. Mirātur homines qui foris
uident afflictionem, sed non uident internā bene-
dictionem. Non ineleganter à uiro quodā ob pie-
tatem celebri dictū est de monachis austerā uitam
agentibus: Multi uident cruces nostras, sed non ui-
dent unctiones nostras: Vidēt corpus attenuatum
uigilijs, ieiunijs ac laboribus, Vident solitudinem,
omniumq;

omniumq; uoluptatunt abstinentiam, & tamen in
corpufculo exiguo & imbecilli, non uident, quantis
delicijs reficiatur animus ad cœlum anhelans. Sed
quod tandem præmium petitur tantis laboribus?
uidebitur, inquit, deus deorum in Sion: siue ut uer/
tit Hieronymus, apparebunt apud deum deorum
in Sion. Hoc est brabeum omniū certaminū, hæc
est requies omnium uotorū, hæc est felicitatis sum/
ma: Domine, inquit, ostende nobis faciem tuam, &
salut erimus. Et Philippus: Ostende nobis patrem
& sufficit nobis. Atqui deum nemo uidit unquam.
Inuisibilis est oculis corporeis, sed cordi mundo ui/
sibilis est. Itaq; dominus in Euangelio beatos pro/
nūciat, qui sunt mundo corde, quoniam ipsi deum
uidebunt. Cor autem intellige non intestinum cor/
poris spirituum ac sanguinis fontem, sed mentem
hominis fidei illustratam lumine. Videtur autē in/
terdum & in hac uita purgatis mētibus, sed per spe/
culum & in ænigmate, sed non nisi in Sion. Nam
extra ecclesiam nemo uidet deum, quia nemo ha/
bet puram mentem. Et si sibi uidentur uidere, hallu/
cinantur iam spectrum uidentes pro deo. Non uul/
garis autem beatitudo est apparere apud deū deo/
rum. Quid est parere apud illum? Cum plena fidu/
cia uenire in conspectum illius, qui nouit omnes la/
tebras humani cordis. Hoc non ausit nisi pura &

undiquaque sincera conscientia. Alioqui uidebitur & impijs deus, sed horribilis erit aspectus illius, qui pijs est amabilis. Nō est alius deus, sed diuersi sunt oculi. Vt ægris oculis molesta lux est, quæ sanis est iucunda. Omnes enim sistendi sumus ante tribunal summi iudicis, à quo non est prouocatio. Miles qui fidelem & strenuam operam nauauit in bello, seruus qui gnauiter dispensauit talenta domini, gaudens prodit in conspectum ducis & heri sui, auditor, Accipe coronam uitæ æternæ, & intra in gaudium domini tui. Ille beatus est, qui nō ueretur suam conscientiam aperire domino dicens cum Ezechia

Esai. 39

rege: Obsecro domine, memento quæso quoniam ambulauerim coram te in ueritate & corde perfecto, & quod bonū est in oculis tuis fecerim. Simili fiducia fortissimus ille Christi miles prodit in conspectum imperatoris sui: Ecce, inquit, coram deo in Christo loquimur. Et ad eosdem Corinthios de se loquens: Non ambulantes in astutia, neque adulterantes uerbum dei, sed in manifestatione ueritatis commendantes nosmetipsos ad omnem conscientiam hominum, coram deo. Idem alibi, Bonū certamen certauī, cursum consummaui, fidem seruaui: de cætero reposita est mihi corona iusticiæ. An nō magna felicitas est, sic posse comparere apud deū deorum in Sion, in specula perfectionis. Euangelicæ

Deum

Deum deorum dixit, iudicem omnium indicans. Siue enim accipias populi iudices, siue pios homines ad quos sermo dei factus est, siue Angelos qui & ipsi dicuntur Eloim, siue daemones aut daemonum ministros homines qui se pro dijs coli passi sunt, hic unus est deus deorum, iudex uniuersorum, sicut testatur psalmus si. Deus stetit in synagoga deorum, in medio autem deos dijudicat, ipse à nemine iudicandus. Nec angelorum, nec prophetarum, nec ullius sanctorum aspectus confert homini ueram beatitudinem. Solus hoc prestat deus deorum. Huc ut pertingamus, dominus impertit benedictionem, sed orantibus. Assidue rogari uult, non ut admoneatur, sed ut nos rogando digni efficiamur, quibus largius impertiat suam benedictionem. Nam & hoc pacto paremus apud deum, quoties uel appellamus illum puris precibus, uel pro beneficijs acceptis gratias agimus. Domine deus uirtutum exaudi orationem meam, auribus percipe deus Iacob. Angelorum deus est, eoq; deus uirtutum dicitur, & hominum deus est, qui patriarcham Iacob imitatur. Is luctando cum Angelo meruit benedictionem, & idem dixit: Vidi dominum facie ad faciem, & salua facta est anima mea. Sequitur: Protector noster aspice deus, & respice in faciem Christi tui. Nondum plenam securitatem assequutus est, qui requirit protectorem.

k 2 Adhuc

Adhuc metuit ignea iacula malorum spirituum è sublimi nos impetentium. Aduersus hæc implorat deum exercituum, ut suis sit clypeus, Hoc enim uertit Hieronymus, quod septuaginta uerterunt hyperaspisten. Magna est dæmonum potentia, sed dominus uirtutum unus potentior est uniuerfis. Si ille dignatur nobis esse clypeus, nō est quod metuamus ulla iacula. Sub hoc clypeo tutus latebat qui dicit:

Psal. 26 Dominus protector uitæ meæ à quo trepidabo: Et

Psal. 5 alibi rursus: Domine ut scuto bonæ uoluntatis tuæ cinxisti nos. Nullum est hominis scutum, quod totum hominis corpus reddat inuulnerabile, quin & ipsum scutum interdum prodit hominem: at quem tegit dei clypeus, nulla ex parte potest fauciari. Aspici à deo, tegi est. Aspicit autem cui propicius est ac bene uult. Eoq; psalmus quem modo citauimus, scutum appellat beneuolentiæ, Græce *ἰνδοξίας*. Hieronymus uertit placabilitatem. Qui suis meritis se se protegent, & his ueluti clypeo fidunt, an tuti sint ipsi uiderint. Qui fiduciam suam collocant in ceremonijs, in cultu diuorum, in ueste quasi tutum reddat ab insultu Satanæ, nō satis fideli utuntur clypeo. Sed gratiæ dei & huius promissis tuto fiditur. Aspicere deum, beatitudo est, sed illū nō possumus aspicere nisi prius aspexerit nos. Cum essemus cæci & in tenebris plusquam cimmerijs uersaremur, ille dignatus

gnatus est aspicere nos, aperuit oculos nostros, & quū essemus inimici diligendo nos effecit, ut ipsum redamaremus. Respice in faciē Christi tui. Non arbitror anxie disquirendum utrum hoc ad personam Dauidis, an alterius cuiuspiam iuxta communem sensum referatur. Christus Græcis unctum sonat, quod Hæbræis Messyas. Omnes Christi sunt qui in Christum renati sunt. Ab horum facie nunquam auertit oculos deus, sed custodit illos ut pupillam oculi, modo ne ipsi faciem suam auertant ab eo. Regum autem ac sacerdotum est ungi. Vtrunq; suo quodā modo sunt, qui suo cognomini respondent, quos beatus Petrus alloquitur: Vos autē *genus electum, regale sacerdotiū, gens sancta &c.* *1. Pet. 2.* Sed ille Christorum omnium princeps est, qui dictus est princeps pacis, ac sacerdos in æternū secundum ordinem Melchisedec, quem singulariter unxit deus oleo læticiæ præ participibus suis. In huius faciem quoniam caret omni nequo deus pater gaudet aspicere, quē profitetur esse filium unicè dilectum, in quo sibi placitum sit. Quid sibi uult igitur, quod ait propheta, aspice, & respice in faciem Christi tui? Quicquid deus largitur nobis, per filiū ac propter filium largitur, nō propter opera iusticiæ, quæ fecimus nos. Nos enim in multis offendimus omnes. Solus ille agnus est omnis expers maculæ. Ergo

protector noster deus, si tuos oculos offendit facies, hoc est, conscientia nostra, respice in faciem Christi filij tui, quē sine exceptione diligis, per illius merita nobis largire, quod ipsi non meremur. Iudæi quoniam non nouerant incarnationis mysterium, in precationibus suis, diffidentes suis meritis obstabantur deum per memoriā patriarcharū, Abraham, Isaac & Iacob, quorum pietas deo fuisset accepta. At Christiani nihil petunt à patre, nisi per Iesum Christū, quem habemus in cœlis aduocatum efficacem, quiq; suam fidem nobis obstrinxit, fore ut acciperemus quicquid postularem patrem in ipsius nomine. Qui scripsit hunc Psalmum non uiderat Christum in carne, sed oculis fidei qui longe prospiciunt, uiderat illum uenturum: quemadmodum & Abraham tot seculis Christi aduentu antiquior uiderat diem illius, & gauisus est. Nos igitur quoties aliquid à deo petimus, cū fiducia petamus, sed eam fiduciam hauriamus, non ex nostris beneficiis, sed ex gratuitis Christi promissis. Ne dicamus respice ad ieiunia mea, aut elemosynas, aut uigilias, aut chameunias. Sed respice in faciem Christi tui. Docet hoc Paulus Ephes. 3. In Christo Iesu domino nostro habemus fiduciam ac accessum, in cōfidentia per fidem eius. Quid est per fidem eius? Quia fidendum est illi toto pectore, qui non fallit
in pro/

in promissis, etiamsi promittat, quæ uidentur nobis
impossibilia. Quis enim credidisset fieri posse, ut di-
uina humanaque natura sic unirentur ut coirent in
unam personam? At ille promisit & præstitit. Quis
crederet fieri posse, ut homo uerus sederet ad dex-
tram dei patris? Promisit & præstitit. Quid est igitur
quod non speremus à deo, modo respiciat in fa-
ciem Christi sui? Vt autem intelligas hanc interpre-
tationem non esse somniū sensus mei, sed propheta
tam agnoscentem dignitatem suam confugisse ad
faciem Christi, attende quod sequitur: Quia me-
lior est dies unus in atrijs tuis, super millia. Nihil
uetat quo minus hæc iuxta sensum humiliorem re-
ferantur ad Israhelitas captiuos apud Babylonios.
Tenebatur ingenti patriæ desiderio, tenebat ethni-
carum superstitionum, suspirabant ad pristinos ri-
tus ac templum illud magnificum, quod extruxe-
rat Solomon. Iam enim sibi uidebantur diutino
ethnicorum commercio facti ethnici. Sed nos retru-
siorem intellectū sequi maluimus. Non addit chilia
dum numerum, ut intelligas infinitum discrimen.
Nec dicit in domo tua, aut sanctuario tuo, sed in
atrijs tuis, quod est templi quasi uestibulū, in quod
admittebantur & prophani: unde Paulus Hebræis
scribens appellat sanctum seculare κοινον, quod
toti pateret mundo. Nec est apud Hebræos unus
dies

dies, sed tantum dies. Non est enim dies ubi nō lu-
cet sol iustitiæ, & incontaminata ueritas. Nusquam
igitur dies est, nisi in ecclesia. In nocte sunt, qui sunt
extra hanc: quod olim uaticinatus est Zacharias,
cap. ultimo, de incredulis loquens: In die illa non
erit lux, sed frigus & gelu. Mox de fide ecclesiæ sic
loquitur: Et erit dies una quæ nota est domino, non
dies neq; nox. Vulgarem diem facit solis exortus,
noctem occasus. Quis igitur est hic dies & nō dies?
Explicat hoc Esaias cap. 60. Non erit tibi sol in lu-
cem diei, neq; ortus lunæ illuminabit te per noctē,
Sed erit tibi dominus lux æterna. Vtrūq; duorum
22 prophetarum locum imitatus est qui scripsit Apo-
calypsim. Et ciuitas nō habebit opus luce solis, quo-
niam dominus omnipotens lumen eius erit. Porro
nō esse lucem nisi in ecclesia, testatur Esaias eodem
quod modo citauī capite, de his agens qui non re-
ceperunt fidem Euangelicam: Quia ecce tenebræ
operient terram, & caligo populos, Super te autem
orietur dominus, & gloria eius in te uidebitur. Mox
subijcit de ijs qui relictā patriā superstitione credi-
derunt Euangelio: Et ambulabunt gentes in lumi-
ne tuo, & reges in splendore ortus tui. Ad hæc quū
ait, ὁ πῖς χιλιάδας, non addit quarum rerum, com-
plectens uniuersa commoda in unum cōflata quæ
non possunt homini cōtingere extra ecclesiā. Nam
quæ

quæ potest esse felicitas hominis, si in tenebris ambulet? Quandiu militamus in hoc tabernaculo, per fidem intuemur solē. At in illo cœlesti templo non est nisi unus dies, quia nō est transmutatio, nec uicissitudinis obumbratio, nec ulla erroris aut ignorantiae nebula lucē offuscat. Æternitas enim nescit ortum & occasum. Interim tamen ambulare in luce fidei, & simplici animo sequi eum qui dixit: Qui sequitur me non ambulat in tenebris: beatius est omnibus opibus, regnis, glorijs & oblectamentis huius mundi. Hæc stulta dictu uidentur, quibus Christus nondum aperuit oculos: Verum si perconteris eos quorum cordibus illuxit Christus, num uelint pietatis iactura totum mundum lucrifacere, derestabuntur & abominabuntur sermonem tuū. Norunt enim quantum bonū sit, quod iam uelut arram tenent, & quā inæstimabile sit illud, ad quod mox sunt transferendi. Nunc illud mihi spectato, quanto desiderio teneatur domus dei qui hæc loquitur.

Elegi abiectus esse in domo dei mei, magis quā habitare in tabernaculis peccatorū. Quid est abiectum esse? Iacere in limine aut uestibulo & conculcari. Quod mendicorū est. Tanta autē est ecclesiæ maiestas & felicitas, ut quod in ea contemptissimum est, longe præstet omnibus mundi splendoribus. Sicut in cœlesti Hierosolyma, multæ sunt mansiones

siones, quarum infima tamen potior est omnibus regū palatijs: Sic in ecclesia uelut in magna domo; diuersi generis uasa sunt, quorum aliud est alio honoratius, & tamen quod in his uilissimum est, preciosius est uniuerso mundo. In corpore hominis naturali, membrū aliud alio est præstantius. Functiones quidē diuersæ sunt, sed eodem spiritu uegetantur omnia. Sic in corpore Christi mystico, quod est ecclesia, diuersi sunt ordines hominum, diuersa munia donaq; spiritus, omnes tamē mēbra sunt Christi, & eandem expectant hæreditatē. Quod hic infimum est, sublimius est omni fastigio mundi. Pes humani corporis beatior est oculo suis, aut canis, & cæ partes per quas egerūtur recrementa cibi ac porus, in humano corpore, beatiores sunt capite asini. Hic obiter propheta aperit fontem, quam ob rem pleriq; mortales, uel non accedunt ad ecclesiam, uel recedunt ab ecclesia, uel eiekti ob culpam grauātur redire. Qui tument honoribus mundanis nolunt deponere cameli gibbos, ut per humile ingrediantur ostium. Et ex historijs discimus complures hæresiarchas esse factos, quod ad episcopi dignitatē non admouerentur. Itaq; maluerunt primum tenere locum inter canes & lues, quàm inter oues Christi mediocri esse loco. Hęc stulta ambitio genuit nobis, Basilides, Marciones, aliaq; inauspicata nomina.

na. Sed quid cōsequuti sunt infelices? Apud homi-
nes sibi cōflarunt sempiternam ignominiam, apud
deum meruere gehennam. Quanto satius erat, uel
ignotissimū esse inter oues ecclesiæ, modo nomen
habeas scriptū in libro uitæ. Simili tenentur amen-
tia, qui quum magnis ac manifestis criminibus me-
ruerint submoueri à consortio ecclesiæ, tamen recu-
sant profiteri pœnitentiam ut ecclesiæ reconcilien-
tur. Humile & abiectum esse putāt arceri ingressu,
nudo capite nudisq; pedibus stare in uestibulo, fle-
xis genibus introeuntium preces implorare, gesta-
re pro purpura sacco, pro unguentis conspergi cine-
re. Quid in causa? Quia nō uident quanta sit digni-
tas, quanta felicitas, quāta securitas uersari in atrijs
domini. Quanta uilitas, quantumq; periculū uel ad
horam esse extra domū dei. Vidit hæc ille deo cha-
rus Theodosius imperator, qui maluit uniuersum
imperij strepitum deponere, & in abiectum pœni-
tentium ire locū, quā non esse in domo domini.
Illi ipsi pœnitētes cultu squalidi, ieiunijs attenuati,
lachrymis & mœrore confecti, qui tanquam men-
dici iacēt in limine domus dei, multo feliciores sunt,
quā qui sub Satana regnant in tentorijs impieta-
tis. Siquidem hi, si modo uere pœnitent, licet corpor-
re sint extra domū ecclesiæ, animo sunt intus. Quid
est igitur quod tanto ardore desiderat propheta,

per Christi faciem obrestans deum: ut uel in extremo angulo, aut limine domus dei uersari liceat, & uel inter abiectissima Christi membra censeatur, extra quem nulla cuiq̃ est spes salutis. Sed si ad limen domus dei uel accedamus uel redeamus parata est misericordia domini, quæ subleuat infirmitatem nostrā, ut proficiamus ad perfectiora. Parata est ueritas domini, ut abundemus in omni scientia spirituali, parata est gratia domini, ditans nos spiritualibus charismatibus. Postremo parata est gloria domini, quæ nos transformet in imaginem Christi. Christus ueritas est, Christus iustitia nostra est, quem si sequamur antecedentē, fit quod dicit Esaias: Et anteibit faciem tuam iustitia tua, & gloria domini colliget te. Misericordia condonat errorem, ueritas illuminat mentē ne reuoluaris in errorem, gratia instruit donis spiritus, ut cōuersus confirmes fratres tuos, & quā plurimos ab impietate reuoces, quemadmodum ait beatus Dauid, expertus misericordiam domini magnam, ac per Nathan ad ueritatem reuocatus: Docebo iniquos uias tuas, & impii ad te conuertentur. Hoc est quod hic sentit propheta: Quia misericordiam & ueritatē diligit deus, gratiam & gloriam dabit dominus. Similiter & Paulus, per domini misericordiā reuocatus à furore persequendi, & per ueritatem Euangelicā edo-

ctus

ctus uiam domini, deniq; per gratiam sancti spiritus præclaris donis locupletatus, factusq; uas & organum electū, eò profecit ut etiam in medijs afflictionibus in domino gloriaretur. Quantū potest hic uersiculus & aliter intelligi, ut misericordię diuinæ sit, quod trahimur ad cognitionem ueritatis, iuxta uerbum Hieremiæ 31. Ideo attraxi te miserans. Tum ut ueritas sit hominis, confitentis sua mala, & agnoscentis gratuitam dei misericordiā. Hoc enim sentit Psalmus 50. Ecce enim ueritatem dilexisti, incerta & occulta sapiētiae tuę manifesta mihi. Dauid quandiu celabat peccatum suum, mendax erat, & fucum facere conabatur, nō hominibus tantum, sed & deo. Verū deus ex sua misericordiā per Nathan prophetam, reuocat eum ad ueritatem confessionis: declarans inutiliter celari peccatum apud homines, quū oculos dei nemo possit fallere. Misericordiam reuocantem & ueritatē confitentem, sequitur gratia & gloria. Peracto enim luctu pœnitentię, & ita castigatis membris, ut quēadmodum antea seruierant iniquitati ad iniquitatem, ita facta templa spiritus sancti seruiant iustitiæ ad iustitiam, sit ut glorietur ecclesia illic superabundare gratiam, ubi abundarat peccatum, & inter angelos maior sit gratulatio super uno peccatore reuocato quàm super nonagintanouem iustis. Non est quidem absurdum

furdum quod adfert Augustinus, ueritatē referens
ad fidē dei in promissis. Solus enim ille uerax est,
quum sit omnis homo mendax, non quod semper
fallant homines, sed quod in ipsis non sit præstare,
quod pollicentur, incerti an in proximū diem uictu
ri sint. Quandiu circumferimus hoc mortale corpus
sculum, multis iniurijs multisq; periculis obnoxii;
misericordia domini circumuallat nos undiq; scuti
uice, ne reuoluamur in uitia, Veritas dei in promissis
fulcit erigitq; mentes nostras, ut contemptis hu
ius uitæ bonis pariter ac malis feramur ad cœlestia.
Concinit huic sensui, Psalmus 35. Prætende, inquit,
misericordiam tuam sciētibus te, & iusticiam tuam
ijs qui recto sunt corde. Iustitia reddit cuiq; quod
suum est. Quid autem reddet nobis deus, qui nulli
cuiquam debet? Nihil enim habemus quod illius
benignitati non oporteat acceptū ferri. At aliud est
liberalitas, aliud iustitia. Verum & illud iustitiæ ge
nus est, præstare quod gratuitò promiseris. Hac ra
tione deus seipsum nobis quodā modo debitorem
constituit, ut licet ipsum ob merita nostra non pos
simus appellare, ob promissa tamen appellare pos
simus. Quod si nos meminerimus officij nostri, ille
non recusat uocari iniustus, si minus præstet quod
pollicitus est. Venite, inquit, & arguite me dicit do
minus. Hanc dei iusticiam appellat Dauid, quū ait;
Vt iustu

Ut iustificeris in sermonibus tuis, & uirtas quā iudicaris. Prorogat interdum expectationē nostram deus, fallit nunquam: interim qui non norunt illius ueritatem, obmurmurant ac dubitant, quemadmodum illi duo discipuli, quā aiunt: nos sperabamus quod esset redempturus Israhel. Quin & discipulos ingens habebat mœror, quod quia non credebant eum resurrecturum, putarent sibi data uerba. Quod hic ex Hebræo uertit Hieronymus, & alij quidam, id ita discrepat ab eo quod transtulerunt septuaginta, ut non uideatur eius generis esse uarietas, quæ frequenter accidit ex eo, quod eadem sententia uarijs effertur modis, aut ex iisdē uerbis alius alium sensum colligit, sed apparet scripturam Hebraicam in codicibus uariasse. Id usu uenit interdū, quum scriba aut interpres elementi similitudine deceptus, aliud pro alio legit, aut quum diuersa literarum distinctio, diuersum efficit sensum. Nam quod ex Hebræo reddunt sic habet: Quia sol & scutum dominus deus, gratiam & gloriam dabit dominus. Quæ lectio si germana est, solem posuit pro ueritate, quæ est Christus, qui illuminat omnem hominem uenientem in hunc mundum: scutum pro misericordia protegente credētes, aduersus omnes insultus Satanæ. Sicuti loquitur Psalmus 31. Sperantes in domino misericordia circumdabit. Quanquā & Paulus

& Paulus hortatur, ut sumamus scutū fidei. & alius psalmus dicit: Scuto circūdabit te ueritas eius, nec timebis à timore nocturno. Vis igitur tutus esse ab omni malo? Ne circumferaris omni uento doctrinæ, sed quod è scripturis diuinis tradidit nobis ecclesia catholica firma fide teneamus, quod præcipit simplici obedientia seruemus, quod promittit, alacri spe expectemus. Simpliciter ambulantibus non deerit neq; misericordia, neq; ueritas, neq; gratia, nec ullum bonorum genus, quod ad beatitudinem pertinet. Eoq; subdit: Dominus non priuabit, siue non fraudabit bonis eos, qui ambulant in innocentia. Pro quo septuaginta uerterunt *ἐν ἀγαθῇ*, quod magis sonat simplicitatem omnis expertem fraudis ac maliciæ. Columbinos animos, amat spiritus sanctus. Dabit hic gloriam sinceræ conscientia, in futuro dabit ineffabilem illam gloriam. Interim arrabone tam precioso contentus, expecta bona futuri seculi, spe gaudens, ut uere & ex animo dicas, cum propheta: Domine uirtutum, beatus homo qui sperat in te. Atq; hæc est compluriū psalmorum clausula. Frequenter enim repetendum est, quod oportet semper infixū esse mentibus nostris. Secundus psalmus ita desinit, Beati omnes qui confidunt in eo. Quartus: Quoniam tu domine singulariter in spe cōstituiisti me. 26. ita: Expecta dominū uiriliter

uileriter age, & confortetur cor tuum, & sustine dominum. 30 ita: Viriliter agite, & confortetur cor uestrum, omnes qui speratis in domino. 32, In nomine sancto eius sperauimus. 33, Non delinquent omnes qui sperant in eo. 36, Saluabit eos qui sperauerunt in eo. Item 41. & 42. ad spem in deo figendam hortant. Similiter & 63. & 130. Nec est ista uulgaris spes quam nobis tanto studio comendant literæ sacræ. Agricola sperat à deo letum agrorum prouentum, nauta prosperam nauigationem, grauida felicem partum, ægrotus conualescentiam. At uir pius qui uere sperat, hoc est, spem omnem fixit in domino, plena fiducia totam sollicitudinem cõijcit in deum, persuasus siue leta obtigerint siue tristia, siue mors, siue uita, omnia per dei misericordiã cessura in bonum, inscrutabili sua sapientiã sic temperantis res mortalium. Itaq; quũ beatus sit homo domine uirtutum, qui fiduciam omnem in te collocauit, nec id fieri possit, nisi sit intra domum tuam ecclesiam, dignare quæso aperire oculos omnium nostrum, ut uidẽtes quàm sint amabilia, quàm pulchra, q̃ tranquilla, quàm tuta, q̃ felicia tabernacula tua: rursus quàm his dissimilia tabernacula impietatis, positis opinionum & affectuum dissidijs, eodem sensu, eademq; sententia concordēs uersemur in illa beata sodalitate sanctorum omniũ, ut uere de nobis dici
m possit

possit: Ecce quàm bonum & q̃ iucundum habitare fratres in unum. Nunquã autem coalescemus in unum, nisi pariter spem nostrã ponamus in Christo Iesu rege Sion ac domino nostro, & ad illum unum spectemus omnes. Vbi regnat ambitio, ubi pecuniæ studiũ, ubi peruicacia, ubi cæcus fauor, aut odium cecius, ut pertendamus tueri quicquid semel diximus aut scripsimus, ubi in gratiã partium probamus quæ scimus esse improbanda, aut odio priuato damnamus, & ea quæ pie dicta: denique ubi quisq; ad se spectat, & undique trahitur funiculus contentionis, nõ potest res ad concordia redigi. Reputemus quàm sit stultũ sic odisse mores quorundam pontificum aut sacerdotum ac monachorum, *Joh* ut ipsi fiamus illis deteriores. Deterior enim est qui recedit ab ecclesiæ consortio & in hæresim aut in schisma demigrat, quàm qui impure uiuit saluis dogmatibus. Cum hoc, perq̃ iniquũ est, nos ad aliorum uicia lynceos esse, ad nostra ipsorum talpis cæciores, & in aliorũ oculis uidere festucam, ipsos trabem in oculo circumferentes. Homines cum hominibus uersamur. Quantq̃ grauius fateor peccat, qui in potestate cõstituti publica, nõ meminerũt officij sui. Tamen populi peruicacia, sepenumero in causa est, ut qui præfunt, alij sint quàm esse cõueniret. Sic populus Israheliticus pro mitissimò Samuele, accepit super

pit superbum Saulem . Placabilior erit alienis erratis, qui prius sua inspexerit. Præcipuū est discordiæ seminarium, quod sinistro tantum oculo proximorum uitia intuemur . Claudat ille sinister, & dexter uicissim ad eorum uirtutes aperiatur. Si uirtutū candidi fuerimus æstimatores, leuius offendemur uitijs. Inter fratrem ac fratrem, inter uxorem ac maritum non constat amicitia, nisi uicissim inter sese ad quædam uitia cōniueant. Quomodo igitur constabit totius ecclesiæ cōcordia, si quisq; ad alterius uirtutes luciosus, ad uitia tales habet oculos, qualia sunt specula quædam, quæ faciem oppositā & multo maiorem reddunt & deformiorem? Dolendum est tam multos esse monachos, qui præter uestitum ac frigidas ceremonias minimū habent religionis, tam multos esse sacerdotes, qui nec caste uiuūt, nec sacris uacant literis: nonnullos etiam abbates & episcopos, qui minimū differant à prophanis principibus aut satrapis: sed interim dissimulamus q̃ multi sint inter illos, pii, sobrii, docti, deq; Rep. benemerentes, in diuitijs pauperes, in dignitate modesti, in potentia mites. Nec cogitamus quāto nos essemus ferociores, si tot rebus ad licētiā inuitaremur . Expedit igitur, ut plebs, quæ dissimulatis sacerdotum uirtutibus, uitia tantū uidet exaggeratq; suā inspicat manticam, à tergo in pectus reuolutā . Quotus

quisq; est opifex, ut ab infimis incipiam, qui in præstanda opera fidelis est, in mercede exigēda æquus. Nec enim temere natū est illud uulgo celebre pro- uerbum, In sua quenq; artificē arte furem esse. Iam quod omnino genus rerū est, quod illi non corrum- pant quæstus gratia? Quot modis uitiatur triticum ac farina, quot modis uinū ac ceruisia, quot modis pannus reliquaq; texta. Omitto nunc in promissis perfidiam, in commercio supercilium ac morosita- tem, ut propemodum cōmodius sit cum rege quo- quam aut Cardinale agere, q̃ cum Latomo, qui uix habet domi unde cœnet. Qui tales sunt in seruili for- didoq; opificio, quales probabile est futuros, si ad eorum dignitatem euehantur, quorum mores ferre non possunt. Vulgus sacris initiatorum incontinen- tiam incesti sacrilegij ac uiolati uoti titulis exagger- rant, sibi ut liberis ac solutis blandiuntur. Atqui, ne errent, nemo Christianus ad peccandum liber est, omnes religiosissimo sacramento sunt astricti, nisi forte ludū esse credunt quod in baptismo professi sunt. Si infami cognomine uocantur apostatę, qui à Benedicti aut Francisci instituto desciscunt, quanto magis eo nomine digni sunt, qui in baptismo mun- di contemptum professi, toto animo seruiunt mun- do, & à Christo imperatore transcūt ad Satanam. Iam adulteriū crimen, quod apud ethnicos gladio,

apud

apud Iudæos lapidatione puniebatur, neutiq; leue est, utcunq; nūc pro ioco ducitur. Quod si quis proprius inspiciat, inueniet fraudibus, rapinis, periurijs referta omnia. Vt ne cōmemorē interim, quantam malorū lernam, tegat umbra belli. Nihil attinet hic de magistratibus inferioribus loqui, deq; ijs qui ob nobilitatis titulū sibi uolunt licere omnia, deq; principibus. Quocunq; uertas oculos heu nimīū multa est querelarum materia. Sed hæc est rerum humanarum natura, maris in morem multa secū deferre, quæ malis abesse. Mutat sæpe uitia, ponit nunquā. Quid igit supereſt niſi ut ſe quiſq; diſcutiat, & omnes ad Chriſti miſericordiam confugiamus? Quædam uitia leuiora ſunt, quàm ut expediat aſperam ad mouere medicinam. Quædam minore religionis incōmodo diſſimulantur q̃ exagitātur. Porro quæ grauiora ſunt, q̃ ut oporteat diſſimulare, manū doctam & artificem requirunt, ne nobis eueniat quod ſolet imperitis medicis, qui dum parum dextrē ad mouent remedia, pro morbo extingunt hominē, aut ex leuiore malo reddūt immedicabile. Pleraq; paulatim ac per occaſionem irreperūt, ea paulatim ac per occaſionem tollenda ſunt, ſi fieri queat abſq; graui tumultu: ſi minus diſſimulanda, donec ipſa dies porrigat occaſionē cōmodiorem. Eadē dextérité utendum eſt in dogmatibus. Quidam dum

impotenter uociferatur, hæresis, hæresis, ad ignem, ad ignem, in peiorē partem interpretantes quæ dicta sunt ambigue, per calumniam deprauantes, & quæ pie dicta sunt, plurimū fauoris conciliarunt ijs quos exitio dignos iudicabāt. Rursus qui sub Euangelij plausibili titulo moliuntur ea, quæ ex diametro pugnant cum Euangelio, uehementer adiuuerunt partes eorum quos oppressos uolebant. Itaque dum illi nihil omnino patiuntur innouari, hi nihil sinunt relinqui, tempestas orta est pene infedabilis, & dum utrinque nimium tenditur funiculus contentionis, fit, ut utraq; pars rupto fune in tergū cadat. Non quod ecclesia concidat, quæ nixa saxo immobili Christo, nullis turbinibus cōcutitur, sed de quibusdam hominibus loquor, qui causam ecclesiæ tuentur, magno quidem zelo, non enim dicam malo, sed non secundum scientiam. Nondum eò processit hoc morbi, ut sit immedicabile. Extingui potest hoc incendiū, si materiam igni subtrahamus. Præcipuus autem huius tumultus fons sunt impij mores hominum: Non est quod alij in alios culpā reijciamus. Primū hoc humani generis exemplū est, sed ut per se prauū, ita nobis infelix: Mulier decepit me, serpens decepit me, omnes iram domini prouocauimus, restat ut omnes ad illū simul syncero corde conuertamur: ille ut est exorabilis, uicissim conuertetur

uertetur ad nos, atq; hos inconditos rerum motus:
 uertet in trāquillitatē, nobis eodē pro nostra quan-
 tulaq; portione annitētibz. Quo pacto inquis,
 id fiet? Sit unusquisq; quod esse debet: Sint ponti-
 fices, pontifices Christi uicarij syncero corde gregis
 dominici curā agētes. Sint principes, principes diui-
 nę iusticię ministri, tanq; deo reddituri rationem,
 quē hoc magis oportet ab illis timeri, quo liberio-
 res sunt à timore hominū. Magistratus bona fide
 remp. administrēt. Monachi perfectionē quā titulo
 profitētur, moribus pręstent. Sacerdotes noctes ac
 dies meditētur in lege domini, quo possint esse sal-
 populi. Qui laici sunt, sint quod dicuntur, nō prę-
 ant, sed reuerēter obtemperent sacerdotibus, fide-
 ter pareāt principum legibus, in suo quisq; opificio
 probet suam cōscientiam summo illi *καρδιον ὧσθαι*.
 Nam beati Lucę uerbo libēter utimur. Qui negoci-
 ator est bona fide negotietur: qui molitor est, bona
 fide sit molitor: qui pistor est, bona fide sit pistor:
 qui faber est, bona fide sit faber: qui uestiarius est,
 bona fide sit uestiarius fiducia habens in eo qui nō
 deserit rectos corde: atq; itē de cęteris dicendū est.
 Nemo suis uitijs hoc nomine blandiat: Ita mos est,
 sic nemo nō facit. Ne circumspicias ō bone quid aliū
 faciant, sed quid abs te fieri uelit supremus ille iu-
 dex, cuius oculos nemo fallit, ad cuius tribunal om-
 nes

nes sistendi sumus, siue reges, siue inopes erimus coloni. Ibi nō ualebit hæc tergiuersatio: Ita mos est, sic nemo non facit. Interim ponatur ambitio, & pertinax uincendi studium, facessant fauores cum priuaris odijs, cōsilescat dementis rixæ surda uociferatio, ita demū elucescet ueritas illa pacifica. Accedat illa *συγκατάβασις*, ut utraq; pars alteri sese nonnihil accōmodet, sine qua nulla cōstat cōcordia. Sed hæc tenus obsecundetur, ut ne moueātur *τὰ ἀκίνητα*, & hæc tenus feratur hominum infirmitas, ut paulatim inuitetur ad perfectiora. Illud autem omnibus penitus infixum esse oportet, nec tutum esse, nec ad fouendam concordiaū utile, temere desciscere ab ijs quæ maiorum autoritate tradita sunt, quæq; longo seculorū usu cōsensuq; cōfirmata. Nec quicq; omnino nouandum est, nisi huc aut cogat necessitas, aut insignis inuitet utilitas. De libero arbitrio, spinosa est uerius quàm frugifera disputatio. Et si quid de hoc quærendum est, in Theologicis diatribis sobrie discutiatur. Interim inter nos illud cōuenire satis est, hominē ex suis uiribus nihil posse, & si quid ulla in re potest totum eius deberi gratiæ, cuius munere sumus quicquid sumus, ut in omnibus agnoscamus imbecillitatem nostram & glorificemus domini misericordiam. Conueniat inter nos fidei plurimum esse tribuendū, modo fateamur & hoc esse peculia-

peculiare spiritus sancti donum, idē multo latius
patere q̃ uulgus hominū credit, nec omnibus adesse
se qui dicunt, Credo Christū pro me passum esse.
Concedamus fide iustificari, hoc est, purificari cor/
da credentium, modo fateamur ad consequendam
salutem necessaria charitatis opera. Neq̃ enim ue/
ra fides potest esse ociosa, quū sit fons & seminari/
um omnium bonorū operum. Quin potius distin/
guamus iustitiam repurgantē mentis nostrę domi/
cilium, quam recte dixeris innocentia, & iustitiam
ornantem ac locupletantē eam bonis operibus. De
us proprie nulli debitor est, nisi forsitan ex gratuito
promisso, quanq̃ & hoc ipsum ut præstemus pro/
missi conditionem illius est munificentia: non ta/
men reiiciendum est mercedis aut meriti uocabulū,
quod deus quæ in nobis, aut per nos operatur pro
sua bonitate acceptat ac pensat. De uerbis nulla sit
digladiatio, modo de re cōueniat, nec interim inge/
rantur auribus imperitæ multitudinis illa παραδο/
ξα: Nihil refert qualia sint nostra opera, tantū habe
to fidem & seruaberis: Et homo quicquid agit ni/
hil aliud q̃ peccat: quæ ut in aliquo sensu uera sint,
tamen ab imperitis aliò rapiūtur q̃ expedit. Quem
admodum & illę uoces, Christus pro nostris pecca
tis dependit. An ille pro nobis mortuus est, ut nos
uiuamus in peccatis: an potius ut semel illius sani/
a guine

guine loti, abstinemus ab omnib. inquinamentis. Mortuus est & resurrexit, ut ipsum imitantes, moriamur peccatis, & in uite nouitate resurgamus. pro nobis crucē gestauit, sed idem clamat: Qui nō tollit crucem suam quotidie, non est me dignus. Cæterū qui dominū suis sceleribus quotidie, quod in ipsis est crucifigunt, ihs mors illius adeo nihil profutura est, ut cessura sit in grauem supplicij accessione. Pij cuiusdam affectus est credere, preces ac bona opera uiuentiū prodesse defunctis, præsertim si hæc illi dum uiuerent facienda curarūt. Tantū admoneantur, qui funebres pompas ac missas gloriæ causa instituunt, perdere mercedem suā: ac certius esse lucrum, si quod morientes legant, uiui ac sani in pios usus erogent. At quibus hoc nondū persuasum est, ne obstrepant aliorū simplicitati, sed ipsi tanto benignius subleuent pauperū inopiā, tantoq; feruentius incumbāt bonis operibus, quo minus credunt defunctos, uiuorū benefactis iuuari. Religiosi item affectus est, credere sanctos ac sanctas quos deus adhuc mortali corpore grauatos tanti fecit, ut ad illorum preces, dæmones expulerit, mortuos ad uitam reuocarit, nūc quoq; nō nihil apud eum posse. At quibus diuersa sedit opinio, pura mente, synce-
raq; fide inuocēt patrem, filium & spiritū sanctum, ne obturbent odiose ihs, qui citra superstitionē im-
plorant

plorant diuorum suffragia. Superstitio quam fate-
or in inuocatione cultuq; diuorū esse plurimā, coar-
guenda est, pius ac simplex affectus interdū tole-
randus est, etiam si sit cum aliquo coniunctus erro-
re. Vt nostra uota nō sentiāt diui, sentit tamen Chri-
stus qui & amat simplices animos, si minus per san-
ctos, certe pro sanctis dabit nobis quæ petimus.
Qui sauiuerunt in Diuorum imagines, non prorsus
abs re cōcitati sunt ad eum zelum, licet immodicum
mea quidem sententia. Nam horribile crimen est,
Idololatria, hoc est, simulachrorū cultus: qui tamen
si iam olim sublatuſ est è moribus hominū, tamen
periculū est, ne technis dæmonū eodem reuoluan-
tur incauti. Sed quum statuaria & pictura olim in-
ter liberales artes habita sit tacita poësis, plus inter-
dum representans affectibus hominum quàm ho-
mo quamuis facundus possit uerbis exprimere, &
Plato agnoscens poësim plurimū habere momen-
ti ad Remp. bene secū sue instituendam, nō omnes
poetas submouerit ex illa quam fingit ciuitate, sed
Homerum tantum aut Homeri similem, qui dijs,
ac deorum filijs attribuit adulteria, puerorum amo-
res, furta, mendacia, impotentes iras, dissidia aliaq;
uitia, quæ nemo bonus Reip. gubernator ferret in
suis ciuibus, aut frugi paterfamilias in uxore, liberis
aut famulis: corrigendum erat, quod per imagines
u 2 irrepre-

irrepererat superstitionis, utilitas erat seruanda. Vt
nam omnes omnium ædium parietes haberent ui-
tam Iesu Christi decenter expressam. In templis au-
tem quemadmodum in Aphricano concilio decre-
tum fuit, ne quid recitaretur præter scripturas cano-
nicas, ita cōueniret nullam esse picturam, nisi cuius
argumentum in canonicis scripturis cōtineretur. In
peristylis, porticibus & ambulachris possent &
alia pingi ex humanis historijs desumpta, modo fa-
cerent ad bonos mores. Stultas uero aut obscenas
aut seditiosas tabulas oportuit nō solum è templis
uerum etiā ex omni ciuitate sublatas esse. Et quem-
admodum blasphemiarum genus est, sacras literas ad
ineptos ac prophanos detorquere iocos, ita graui
pœna digni sunt, qui dum pingunt canonicarū scri-
pturarum argumenta, de suo capite miscent ridicu-
la quædā, ac sanctis indigna. Si libet ineptire, à Phi-
lostrato potius petant argumenta. Quantū sunt &
in ethnicorū annalibus multa argumenta, quæ idio-
tarum oculis utiliter exponi possent. Ergo cui per-
suasum est, diuorū imaginibus, quoniam nō senti-
unt, nihil habendum honoris, fruatur suo sensu: ne
tamen obstrepāt ijs, qui citra superstitionem sic ue-
nerantur imagines eorū amore quos repræsentant,
quemadmodum noua nupta sponsi absentis amo-
re exosculatur. anulū aut strophium ab illo relictū
aut

aut missum. Hic affectus deo non potest ingratus esse, qui non est superstitione, sed ab abundantia quadam amoris proficitur. Idem sentiendum est de ijs, qui simili affectu exosculantur ossa aliasque reliquias sanctorum. In his Paulus opinor concederet, ut in suo quisque sensu acquiescat. Noui Theologum, qui cum uideret quendam per coemiterium euntem, nam erat iter publicum, non aperire caput ad signum crucifixi, haud quidem studio, sed intentum fabulis comitum, quibuscum deambulauerat, miro zelo dixit ad suos confabulones, ausim iurare illum esse Lutheranum. Illud profecto non recte: quemadmodum altera pars peccat, odiose obstrepens, non superstitioni, sed simplici religiosoque affectui non nihil tribuentium imaginibus. Illud citra noxam omnibus potest inculcari, diuos ac diuas optime coli imitando uitam illorum. Idem quibus nondum persuasum est horum temporum sacramentalem confessionem, fuisse ab ipso Christo institutam, seruent eam ut rem salutare multisque commendabilem utilitatibus, ac multorum seculorum usu comprobata. Ut autem illa tum tutior sit, tum minus grauis, magna ex parte in nobis situm est. Videlicet si deligamus integrum, eruditum, ac silentij tenacem sacerdotem, nec cum ambiguis ac perplexis sermonibus remoremur, ut percontando cogatur uelut expiscari crimina, sed

n 3 simpli

simpliciter tanquam coram deo aperiamus ea dum
taxat, quæ certo sunt letalia uulnera. Quod genus
sunt, adulterium, homicidiū, furtum, ebrietas enor/
mis ac uoluntaria, obrectatio maliciosa, quod ho/
mici di j aut uenefici j genus est, periurium, fraus, ra/
pina, aliaq; huius generis seu facto perpetrata, seu
certo animi proposito destinata. quibus enim ni/
hil defuit præter occasionem, iam perpetrarūt. Ab/
sit autem repetendi confessionem superstitio, absit
anxietas enumerandi cōmissa & circumstantias, aut
totam iterandi cōfessionē apud alium sacerdotem,
si quod crimen in priore fugit. Præcipua cura sit, ut
quod admissum est detestemur, & in pristinum re/
migremus affectum. Illud omnium caput est, sic in/
stituere uitam, ut non incidamus in ullū crimen le/
tale. Id qui potest, liber est ab onere, confitendi. Le/
uiiores culpas uitare uix cuiq; concessum est, in hac
uita: at non difficile est auxiliante deo, uitare crimi/
na ei qui semel sit radicans in charitate dei ac pro/
ximi. Hoc igitur fundamentum ante omnia iacien/
dum ac stabiliendū est in animis nostris. Quod si
accidat in crimen prolabi, non est necesse protinus
ad sacerdotem currere, sed ad deum ilico confugi/
endū est. Cum illo statim redeundū in gratiam,
ut sacerdoti quoq; confitearis expectanda est tem/
poris oportunitas. Consultum tamen est culpas de
quibus

quibus dubitas, criminales sint necne, sacerdoti quū
oportunum fuerit referare. Idem dico de factis, de
quibus ambigis, utrum legitima sint an non. Com-
plures enim perplexi casus incidūt in uita mortali-
um, ueluti de usura, de matrimonio, de restituēdo,
de uotis. Qui credūt eam ut nunc est à Christo in-
stitutam, tanto obseruent religiosius, sinantq; alios
in suo sensu acquiescere, donec sacrosancta syno-
dus aliquid expressius de hoc pronunciarit. Hoc
pacto fiet, ut nec scindatur omnino Christiana con-
cordia, nec mores infirmorum in omnem licentiam
proruant. In missam si quid superstitionis, aut for-
dium irrepsit, æquum est corrigere. Ipsam missam
quur usq; adeo excremur nō uideo. Constat psal-
modia, qui dicitur introitus, doxologia, precatōne,
sacris canticis, recitatione uerborū prophetorum
aut Apostolicorum, quam uocāt epistolam, recita-
tione Euangelij, professione fidei catholica, gratia-
rum actione, quam appellant Eucharistiam, ac reli-
giōsa commemoratione mortis Dominicæ, rursus
precatōnibus, inter quas est precatō Dominica:
dein sequitur pacis Christianæ Symbolum, mox
communio, rursus sacrum canticum, & precatō. Po-
stremo loco sacerdos totum populū uelut in suam
tutelam receptū, deo benedictione tradit atq; com-
mendat, ut perseuerent in affectu pietatis, mutuaq;
charitate

charitate. Quid in his non pium ac uenerandum? Quos offendit sordida turba conductitorū sacrificulorum, submoueant indignos, dignos retineant. Quibus nō placent profæ, præsertim indoctæ, licet eas prætermittere. Neq; enim Romana ecclesia ullas nouit profas. Similiter & cantionē quā nunc in nōnullis templis canunt, post consecratū corpus & sanguinē Dominicū, pro pace aut cōtra pestilentia, aut pro felici prouentu frugū, sine religionis detrimēto liceret omittere. Id enim omnino præter ueterem morem inductū est. Nam id temporis olim populus non cursitabat ad uidendū id quod sacerdos ostendit, sed prostratus humi corporibus, animis in cōlū erectis gratias agebat Christo redemptori, qui nos suo sanguine lauit, sua morte redemit. Nihil porrō tale nouit ecclesia Romana. In sacello pontificis, non est nisi unicū altare, & unicū sacrum. Quin & hodie in multis ecclesijs Romanā imitantibus, nō licet priuatim sacrificare duntaxat id temporis, quū summū peragitur sacrum. Illorū insolentia est arguenda, qui cum summi sacrificij tempore ambulant nugantes de rebus friuolis, propriū requirunt sacerdotē, qui ipsis proprie sacrificet: aut in uestertino cultu, quēuis obuuium arripiunt sacerdotem, qui ipsis separatim dicat uestertinas laudes, etiā si iam suas absoluit: qui si recuset, sic cōmouetur

tur, ut periculū sit ne illi pugnos in faciem ingerant. Adeo quod publicū est contemnitur, & quisq; priuata quærit. Si nō placet in templis illud modulate musicae genus, & organorū cantus, possunt citra pietatis iacturam omitti: si placet, curandum est ut illa quoque musica sit digna templo dei. Iam & illud nō recte fit in quibusdā ecclesijs, ut ob musicorum aut organorū concentū omittantur aut decurtentur ea quæ sunt præcipua. Hora prope consumitur in prosa, ac decurtatur Symbolum fidei, & omittitur precatio Dominica. Nec minimum temporis absumunt illæ uocū caudæ, ad singulos uersus in longū productæ. Atqui præstabat cultū solennē, nullis superuacaneis uerti in tædiū. Ad superstitionem uergunt tot peculiaria missarū argumēta, missa de spinea corona, missa de tribus clauis, missa de præputio Christi, missa pro nauigantibus, pedestri aut equestri itinere peregrinantibus, pro sterilibus, pro grauidis, pro parturiētibus, pro feбри quartana aut tertiana laborantibus. Hæc & huius generis multa facile possent uel tolerari uel corrigi. Nec erat necesse ut missam tot seculis receptā, quasi rem pestilentem & impiā exigeremus. Iam quæ quidā tradiderunt de qualificatione, de merito principali & secundario, de opere operante & operato, poterant inter humanas opiniones seponi, donec super his

o quoq;

quoq; synodus pronunciaret, aut suo quenq; arbitrio relinqueret. Sacrificij atq; immolationis uocabulum ueteres sacri doctores nō horruerūt. Christus semel mortuus nō moritur iterū, fateor, sed unicū illud sacrificium mysticis ritibus quotidie quasi renouat, dum ex illo fonte inexhausto nobis nouam subinde gratiā elicimus. Immolamus hostiam pro uiuis ac defunctis, dum pro illis patrē per filij mortē obtestamur. Postremo quū omnis precatio, laus & gratiarū actio recte dicatur sacrificiū, maxime nomen hoc cōuenit in missam, hęc omnia sacramentis continentē. Sunt qui requirant in missa cōmunionem. Sic fateor fuit à Christo institutū, & olim ita cōsueuit obseruari. Verū id quo minus fiat, haud stat per sacerdotes, sed per laicos, in quibus heu nimium refrixit charitas. Cœlestis ille cibus non est obtrudendus inuitis, aut nauseantibus, auide petentibus nō negabitur. Nunc quæ possit esse cōmunionis tempore. Quidā aspersi mox abeunt domū, & ante introitū faciūt exitū. Alij post auditū & non intellectū Euangeliū abeunt. Atqui posteaq; sacerdos dixit, sursum corda, & gratias agamus, tum precipuæ populi partes erant, quādo tacente sacerdote quisq; cum deo loquitur. Atq; interim illi fabulantur in foro, aut potant in popina. Quāq; & hi uere
recundius

recundius faciunt ijs qui toto sacro nugatur in templis. Denique tametsi inter sacrificantem & assistentes non est signorum Sacramentalium communio, quæ nec olim inter omnes fuit, est tamen sacræ doctrinæ, pietatis exhortationis, precationis, laudis & gratiarum actionis communio. Comune est igitur quod uiuificat, illud commune non est quod sine illis nihil prodest. Sed obicitur scrupulus de adorando. Si in Eucharistia totus est Christus, quare non est adorandus? Quanquam Christus in eo sacramento est, sub ratione cibi ac potus, ut summa cum animi puritate sumatur, non ut ostentetur, aut in ludis publicisque pompis circumferatur, aut in equo circum arua uehatur. Id nequaquam est ueteris exempli, sed in hoc multitudinis affectui plus satis indultum est. Quidam sibi ualde prius uidentur, si quoties sacerdos sinit uideri corpus domini undique accurrant ac è proximo defixis oculis intueantur. Quanto religiosius erat cum Publicano procul à cancellis abstinere, & corpore humi fuso, mente adorare crucifixum. Nullus est tam stolidus, ut humanam Christi naturam adoret pro diuina, aut ut panem & uinum adoret pro Christo. Quoniam autem nemo certus est, an sacerdos uerè consecrauerit, præter ipsum unum, nullus adorat ibi Christum, nisi sub tacita conditione, & tamen id quod in Christo proprie adoratur nusquam non adest. Adde huc quod nullum sit sacra-

mentum tam humile cui nō assistamus nudis capitibus quū administratur, uelut in baptismo, in confirmatione puerorū: quid sentiunt igitur, qui putāt idololatriā esse, si huic sacramēto caput aperiāt, etiam si Christi corpus & sanguis tantū ibi sint in sacro signo. Quot porrò uidemus Sacramentariorū formas? Quoties ipsi suā mutarunt sententiā, quoties alienā reiecerūt? Nam & nuper exortus est, qui tam impiā de hoc sacramēto sententiā cōmentus est, ut totū sustulerit sacramentū. Neq; enim sacramentū dici meretur, quod nullo externo signo, sed tantum animi cogitatione peragitur. Hæc qui faciūt, utrum sibi uidētur talis ludere, an de grauissimis rebus disputare? Quod si ambigunt, ut ipsa declarat res, quāto satius erat in eo perseuerare, quod nobis tradiderat ecclesia catholica? Tradidit autē ibi uerum esse corpus & sanguinem domini, haud dubie quin uiuū. Quod si credimus in sepulchro diuinā naturā non fuisse separatam ab exanimi corpore domini, quanto credibilius est eam à uiuo corpore non esse separatā in sacramēto? Itaq; si in hoc cōcordes essemus, cætera quæ disquirūtur, quomodo sit ibi corpus & sanguis domini, sub panis substantia, an sub speciebus panis an uini, & quid accadat sumpto corpori, & si qua sunt his similia, poterant in synodo definiri. Nūc dum quisq; de re tāta quod libet cōminiscitur

miniscitur, nōne illud unicū piarum mentiū solatiū
um ac deliciū, quodāmodo in nauseam uertimus?
Turbā festorū dierum, quos uel episcopi multitu-
dinis affectibus indulgentes induxerūt, uel Roma-
ni pontifices causis nō necessarijs instituerūt, ipsi fa-
cile patientur abrogari, quod genus sunt festū Con-
ceptionis & natiuitatis uirginis matris, item festum
præsentationis in templo. Et haud scio an expedir-
et nullū omnino festū solenne indici, nisi cuius ar-
gumentū extet in sacris literis. Diem dominicū sem-
per excipio. Facile patiētur esse festa pauciora, mo-
do ea quæ supersunt, maiore religione celebrentur.
Non est omnino prophanus dies, quo licito labore
citracq; fraudē paratur, quod uxore alat ac liberos
aut proximi subleuet inopiam. Festa quæ sodalita-
tes sibi priuata cōstituunt autoritatē, unā cum ipsis
sodalitatibus à magistratu tollēda sunt. Nihil enim
aliud sunt q̃ Comi & Bacchi cōuenticula. Delectū
ciborū ac ieiunia nō indixit ecclesia nisi ad sanitatē
corporis & animi. Itaq; qui pisciū esu periclitantur
aut ieiunio & ualitudinē corporis & animi uigorē
lædi sentiunt, hos nequa q̃ obligat ecclesiæ cōstitu-
tio. Qui uero sentiūt se ex abstinētia carniū & ieiu-
nio & corpore & animo melius habere, quæ rogo
cōtumacia est, uelut in odium ecclesiæ hoc reijcere,
quod tantā adfert utilitatē. Hic igitur nullus alium

dijudicet, uescens nō insultet abstinentibus, abstinentes nō condemnent uescentes, etiam si causa non sit euident. Suo domino stant aut cadūt. Idem sentio de cæteris episcoporum cōstitutionibus, quæ si piæ sunt, si utiles, si equæ, ob hoc ipsum seruandæ sunt, quod tales sunt: & si displicet legis uocabulū, amplectamur eas tanq̃ salubria cōsilia. Si seruus de lapide emptus dat tibi consiliū utile, auscultas & obtemperas, nō quia seruus dedit, sed quia est in rem tuā. Et nos eorū consilia reiicimus, qui publica dignitate præminēt, quicq̃ nobis patrū ac doctorū loco sunt. Hæc eō spectant, nō ut quæ dicimus pro certis haberi uelimus aut præeamus ecclesiæ quid sit statuendum, sed ut interim dum apparat synodus, ipsi dissensionū causas omnes quantū in nobis est, amputemus, nihil per uim ac tumultū agamus, neq̃ cuiq̃ hoc faciamus, quod si nobis fieret, cælū ac terrā ac maria inclamaremus, neq̃ quenq̃ ad nouā religionem à qua abhorret, perpellamus. Acquisimū em̃ est, ut qui sibi religiōis causa uim fieri nolūt, ab alijs eam abstineant: præsertim quū hic quoq̃ melior sit causa, tam longi præscriptione temporis sese tuentium. Hæc admonitio ad utrāq̃ partē attinet: si moderata *συγκατάβασις* præmolliat dissidiorum paroxysmū, fiet ut synodi medicinā felicius operetur ad concordia. Sic enim medici priusq̃ porrigāt ualidum

lidum pharmacū, leuibus quibuscūq; ac blandis potiunculis. Sirupos illi uocāt, pręparāt corpora. Hoc exemplū utinā omnes imitemur. At uereor ne sint, qui uel ob inopiā iudicij, uel ut ipsi sint in tuto, properent sic exulcerare omnia, ut frustra cecat synodus. Quis autem malus genius effascinauit infelices anabaptistas? Nā audio hos errore falli, magis q̃ incitari malitia, ut ad istum modū in propriū ruant exitium. Non sufficit illis baptismus, qui mille quadringentis annis suffecit ecclesię catholicę? Nā temporibus Augustini tam uetus erat cōsuetudo tingere infantes, ut huius exempli autor ignoraretur, admodumq; probabile esset, ab ipsis Apostolis fuisse inductū. Quanq̃ enim nō est expressum in sacris libris, q̃ Apostoli baptizarint infantes, tamen ex his sumitur nō leuis coniectura. Paulus enim fatetur se baptizasse tres familias, Crispi, Caij, & Stephanę. Et apud Philippenses noctu baptizauit carcerariū cum uniuersa familia. Et Petrus in Actis 10 baptizauit Cornelij nō solū familiā, sed etiam cognatos ac necessarios, quos ille sub aduentū Petri cōuocarat. In his familijs probabile est fuisse nōnullos infantes aut pueros. Christus ait: Date Cæsari quę sunt Cæsaris. Et Apostolorū principes Petrus ac Paulus diligenter admonēt, ut Christiani ciues obtemperarent regibus ac pręfectis licet idololatriis. Volūt se

1. Cor. 1

Act. 16

uum

uum baptizatū fidelius etiā seruire hero suo, q̃ antea fecerat, & isti grauant parere principibus eodē lauacro tinctis, eandē professis religionē. Dicuntur exigere à suis rerū omniū cōmunitatē. At ista quidem fuit aliquādiu temporibus Apostolorū in prīmordijs ecclesiæ nascentis, ne tum quidē inter omnes Christianos. Nam latius propagato Euāgelio, nō potuit seruari cōmunitas, exitura uidelicet in scditionem. Hoc ad concordia est accōmodatius, ut rerum proprietas ac dispensandi ius sit penes legitimos dominos, charitas uero faciat usum cōmunē. Nunc audimus apud Bohemos exoriri nouū Iudeorum genus, Sabbatarios appellāt, qui tāta superstitione seruant Sabbatū, ut si quid eo die inciderit in oculum, nolint eximere, quasi nō sufficiat eis pro Sabbato dies Dominicus, qui Apostolis etiā erat sacer, aut quasi Christus nō satis expresserit quantum tribuendū sit Sabbato. Beatus Paulus anathema minatur Angelo, qui uel cœlitus adferret aliud Euāgeliū q̃ ipse tradiderat. Nūc multorū animos adeo cōspicimus uacillantes, ut si uel obscurissimus homuncio proferat nouū dogma, licet absurdū, inueniat discipulos. Vnde tanta uacillatio in animis Germanorū, qui semper cæteris nationibus fortitudinis & cōstantiæ laude præcelluerūt. Quid nobis felicius, si positis dissidijs cōcordes uersemur in do-

mo domini? Agit hoc summo studio Carolus Cæsar, agit idem Romanorū, Hungariæ, Bohemiæq; rex Ferdinandus, princeps singulari pietate præditus. Nec Christianissimus Gallorū rex in hoc negotio suo cognomini nō est responsurus. Nec Anglorum rex obliuiscetur, se nō ita pridē, defensoris fidei catholicæ speciosum meruisse titulū. Qui Clementis pontificis ingenium propius norūt, pollicentur illū ad æquisimas cōditiones descensurū, modo sarcia-
tur ecclesiæ pax. Nec defutura est cruditorum Cardinaliū æquitas. Res auspice Christo feliciter cessura est, si ceteri quoq; principes ac ciuitates huc intendant animū. Iam nimium diu rixis indultū est, uel de-
lassati quæramus cōcordiam. Si domini lenitas nos prouocat ad licentiam, quæ ad pœnitentiā debebat inuitare, uerendū est ne furor fiat læsa sapius patientia, & quod de Iudæis scripsit Paulus, pueniat in nos ira dei in finem. Ne regū quidē mansuetudine abuti cōsultū est. Non ignorāt illi uires suas, sed pro sua clemētia, molliorib. si fieri possit remedijs huic malo mederi malūt q̃ cauterijs aut sectiōibus. Fortasse nos credimus dormire Cæsarem. at is planē uigilat in hoc negotio. lentior est, sicut oportet principem summa potentia præditū nō esse præcipitem in rebus gerēdis, sed tamen ille tandē perficit, quicquid animo destinauit semel. Regis Ferdinandi bo-

nitas & animus planè philosophicus, qualè in prin-
cipe requirit Plato, nò meretur còtemptù, sed abun-
dantiorem reuerentiã, ac religiosiorè obedientiam.
Nuncq; habuere felicem exitù ausus Cyclopici, &
incòsulta temeritas: Sed ut uerissime dixit ille uates:
acutissimus, Vis consilij expers mole ruit sua, Vim
temperatam dii quoq; prouchūt In maius. Ergo si
moderatis consilijs, affectibusq; sedatis incubueri-
mus ad sarcindã ecclesiæ còcordiã, fiet quod uati-
32 cinatur Esaias: Et sedebit populus meus in pulchri-
tudine pacis, & in tabernaculis fiduciæ, & in requie
opulenta: iamq; simul omnes uno ore nobis inui-
cem gratulantes dicemus, Quàm amabilia taberna-
cula tua domine uirtutum.

FINIS

CLARISS. DOCTISSIMOQVE VIRO D.
DES. ERASMO ROT. Domino in maio-
ribus obseruando, Iulius Pflug S. D.



ACIT charitas in quã infixus sum, ec-
clesiæ, ut quous ipse illi præsidium afferre
haud possim, de omni tamè statu eius
cogitare nò desinam: ex quo certe ipsa
uberè capio fructū, siue in mentē uenit mihi quod
còsoletur, siue quod terreat. In quorū ego cogitatio-
ne ita uersor, ut altero animus meus recreet, altero
uero

uero muniatur contra casus impendentes. Malum enim cum aduenit diu ante prouisum, leuius esse solet. Accedit eodē singulare quoddā officij uinculū. Nam cum publicū in ecclesia munus sustineam, & si ad eam constituendā facultas mihi nō suppetit, uoluntate tamen mihi eō est incumbendū. Itaq; quū aliam officij tribuendi rationē inire nequeam, facile adducor, ut tuam tuiq; similium, qui & doctrina & auctoritate florent maxime, fidem implorem. Hæc eō ad te scripsi, ut ad causam, quæ mihi cum omnibus bonis cōmunis est, intelligas priuatū etiā officium accedere, ut si nimius fuerim in urgendo desueniam mihi, quū me illō affectio haud iniusta rauerit. De statu autē religionis est omnino ut scripsisti, id enim re ipsa experior. Nec mihi hoc tempore facile occurrit quod animū leuet egritudine: cum præsertim scelerū eorum, ob quæ plagas illas, & eas quidē iustas deus nobis infligit, nullū faciamus finem. Quod autē cogitas rudem sumere, istud tibi profecto per eum, qui tribuit ut posses hominū generi præclarā operā nauare, nuncq; licebit: & eo quidem minus, quod ut extrēma cygnorū uox consueuit esse suauissimā, ita sanctissimæ esse solent uoces extrēmæ optimi cuiusq;, qui eas ædit unā prope cū spiritu extremo. Et si igitur habes, quo repudies typographorum postulata, nō tamen reperies, quem

admodū ei, qui iure quodā suo imperare poterit, satis facias, nisi pareas. Sed quid ago? Ita tecum quodammodo loquor, quasi senectus tua nō & operosa sit, & planē talis, ut eam nobis diuturnā fore sperem. Quin animū ad ea, quæ tu nobis præclara parere nō desinis, cōferens, intellige haud obscure ijs, quæ à te optimus quisq; desiderat, nō modo nō obari senectutē tuā, sed etiā augeri. Vigent enim in te omnia ea, quibus rei Christianæ prodesse possis, & haud scio an magis etiā, q̃ in ætate florēte. Quæ quidem res spem ostendit fore, ut in quā ecclesiā multa tua officia extant, de ea diu bene mereri possis. Atq; hæc quidē amantissimis literis tuis prouocatus scribenda putavi, nō ut te ista ætate atq; auctoritate uirū ipse homo iuuenis atq; rudis monerem, sed ut in quē me duceres sermonē sequerer. In quo ipso dum breuitatē uito, uerbosior & ineptior ne scio quo pacto fui, q̃ deceret. Venio nūc ad Iulium Camillū & Augustinū Eugubinum: quorū alterum cum Venetijs essem de facie noui tantū, cum altero uero cōgressus & locutus sum sæpe, qui me ea re deuincibat sibi, quod mihi quotiescunq; uellem faceret potestātē introcundi bibliothecā Antoninam. Amphitheatrū Camilli si eam nobis utilitatē afferre posset, quā pollicetur, libenter me facerem unū ē spectatoribus in eo. Ac si apud te disceptantē cau-

subarbor s q sam

sam dicit eloquentia, iam uicit. Nam (si te bene no-
ui) cōtra eam nūc tū statues, cuius beneficio tan-
tus es, ut uiuas in oculis omniū ferè gentiū. Itaq; ni-
hil attinuit Camillū eā ad pedes tuos abijcere. Sed
illi potius placandi fuerūt, qui negāt cum eloquen-
tia cognitionē rerum coniungi posse, quasi uero in-
quinatē loqui sit sapere. Iam uero tuā ad Eugubinū
epistolā, iam dudū legi, in qua tu illū amanter sanē;
& singulari cum grauitate mones: Quī utinā obtem-
perasset tibi. Nam sic ferè fit, ut quā quisq; uolupta-
tem maledicēdo capit, eam male audiēdo amittat.
Qua in re euentus cū ipsa iustitiæ æquabilitate bel-
lissime cōgruit. Quo magis miror quid homini ue-
nerit in mentē cunctā nationē nostrā tanta cōtume-
lia afficere. Quod si te optima monentē audire no-
luisset, suā tamē ipsius rationē si adhibuisset in con-
silium, uirus illud in nos tam turpiter non euomuis-
set. Sunt certe in singulis nationibus qui sub figura
hominū immanitatē gerūt belluarū. Sunt item, qui
cum ingenio, tum uero etiam uirtute excellūt. Hoc
qui negat, nā is aut rudis est in cognitione rerū hu-
manarum, aut planē impudens. Qui igitur uniuer-
sæ alicui nationi in opprobrijs obijcit, quæ sunt cer-
torum ciuiū labes, quā id tandem fronte facit? Cur
nō potius laudat ob certorū ciuiū uirtutes? id quod
cum officio boni uiri multo est cōiunctius. Nōne

qui ita reprehendit, idem sentit se patriâ quodq; su-
am, cum in eodē uel simili sit crimine, premere & ta-
cita quasi sententia sua damnare? Sed quid si non
tam uitia exprobrat, q̃ uirtutes in finitima uitia de-
torquet? Vt cum animi altitudo hominū nostrorū
atq; uirtus, quæ in periculis cōtemnendis lucere so-
let, feritati tribuitur. Quod si quis Germanorū, qui
bus ingenia Eugubinus adimit, uellet in hoc genere
ingeniosus esse, nōne quæ multo uel præstantis-
sunt, ea ad speciē turpem facile orationis uī cōuerte-
re posset? Nulla enim uirtus est, cui nō uitiiū aliquod
sit finitimū. Quo facilius id quod honestū est atq;
bonū dicendo eò potest traduci, ut malū esse uidea-
tur. Recte igitur tu, qui prudentiā Eugubini requi-
ris, cum præsertim multi sint nostrorū hominum si
tōmoueāt sese, sentiat ille Germanis neq; ingenia,
neq; facultatē orationis, neq; maximarū rerū scien-
tiam deesse. Quamq̃ res ipsa pro hominibus no-
stris loquit̃ etiamsi nullū faciāt uerbū: Quod multa
iam extant signa, ea q̃ illustria, nō solū ingenij illo-
rum, sed etiā eximiae doctrinæ. Adde quod ipsū
Eugubini institutū, ei acerbitatē istam exprobrare
uidetur. Quid enim ab officio hominis Christiani,
sacerdotis, & Theologi alienius esse potest, q̃ in eo
quo se profitetur religionē defendere, tantū acerb-
tatis effundere, & cōtra, q̃ lex mutui amoris sancit,
multos

multos bonos uiros de se nihil tale merētes tam insigni iniuria afficere. Sed de his Eugubinus ipse uiderit, ego quod ad me attinet, mallem illū isto maledicendi genere supersedisse. Fauco enim hominis honori. Quod si fecisset maiore proculdubio fructum industriæ suæ cepisset, nec eam, ad quā se excitauit bene audiēdi rationē, ipse in dubiū uocasset. De Guilhelmo Budeo quæ scripsisti, ea me singulari affecerūt uoluptate. Illē enim ita se gerit, & ea nobis affert, ut mihi uideatur natus esse ad lucē rectis studijs inferendā. Lætor igitur uirū illū in eo etiam nunc cursu esse, quē iam dudū magna sua cū gloria tenet. Hic si tantū apud suos autoritate ualet, quantum excellens eius doctrina & uirtus, quæ uno omnium ore celebratur postulat, & gaudendū est certe omnibus bonis & præclare cum Gallijs ipsis agitur. Hæc ferē ad epistolā tuā. Iam uero ne te fugiat quod loci sint res nostræ, sic habeto, religionē aliquanto perturbatiore esse, quā fuit antehac, & ortus est nuper nescio quis terræ filius, qui conatur nouū malū inuehere. Negat enim necessaria esse ad Eucharistiam uerba Christi, quibus ea consecretur: quin nec speciem panis aut uini necessariā esse, sed satis esse, si motu interiori cordis Eucharistia capiatur. Ita cū hic ad spiritalem manducationē referat omnia, id agit ut possit sacramentum ipsum funditus tollere.

Sed

Sed deus tamen pro sua misericordia nos respexit, cuius diuino beneficio effectū est, ut auctore in uin-
cula cōiecto hæc hēresis oppressa sit antea, q̄ in uul-
gus proferretur. Noui præterea quod scribam nihil
sanē est, & arbitror satis multa esse hæc, præsertim
ad te uirū nunq̄ satis uacuū. Sed malui tamen mul-
tus esse, q̄ nō declarare me ijs quæ scripsisti, ualde
delectari, de quibus certe tecū quasi loquens quāta
uoluptate perfusus sim inde perspicias facile, quod
finē dicendi ægre fecerim. Non igitur mihi uisus es
garrire (qua tu uoce uteris) sed aptissime grauissi-
meq̄ loqui, & tanto me uehementius amare, quan-
to lōgiores fuerūt hæc literæ tuæ. Quare tam me ti-
bi beneficio obstrictū sentio, q̄ quē maxime: cumq̄
mihi nihil esse possit antiquius, q̄ ut gratitudinem
meā erga te quibuscūq̄ possim rebus testificer, ma-
gnum mihi beneficiū dederis, si ostenderis in qua
re officium meum tibi præstari uelis. Vale
Litiij iiii Non. Maij, Anno M. D. xxxiii.

DES. ERASMVVS ROT. CLARISS.

L. L. Doctori Ioanni Rinco S. D.



ITERAE tuæ uir ornatissime, quibus &
pro tua prudētia sagaciter diuinas immi-
nentes Germaniæ calamitates, & eas pie
deprecaris, permouerūt animū meū, ut ad omnipotē-
tentem

tentem illum pacificatorē, & ut Paulus uocat *μισοίτην*, precationē cōscriberem, qua simul omnes dominum, iratū quidē ut uidetur, sed exorabilē appellamus. De non mouēda Camarina, amanter tu quidem ac fideliter, sed serò mones, Et merebatur hoc quorundam scurrilis improbitas, nec decrant amici qui per literas huc hortarentur. Bene uale amicorū candidissime. Friburgi v die Martij, Anno à Christo nato, M D XXXII.

PRECATIO AD DOMINVM IESVM
PRO PACE ECCLESIAE.



DOMINE Iesu Christe, qui pro tua omnipotentia cōdidisti creaturam omnē uisibilem pariter & inuisibilem, pro tua diuina sapientia ordine pulcherrimo gubernas ac digeris uniuersa, pro tua ineffabili bonitate seruas, tueris, ac uegetas omnia, pro tua immēsa misericordia, restituis luxata, reformas collapsa, mortua reuiuificas, dignare quāsumus tandē ad unice dilectā tibi sponsam ecclesiā flectere uultū tuum, sed illū placidum ac propitiū quo serenās omnia quā in cœlis, quā in terris, quā supra cœlos infraq; terras sunt flectere digneris oculos illos mites ac misericordes,

es, ac mox resipuit, quibus turbā palantē aspexisti,
& misericordiā cōmotus es, quod ob inopiā pasto-
ris errarent, uelut oues dissipatæ disiectæq;. Vides
pastor bone q̄ uaria luporum genera irruerint in
caulas tuas, quorū quisq; clamat, hic est Christus,
hic est Christus, ut in errorem pertrahantur si fieri
possit, etiam perfecti. Vides quibus uentis, quibus
undis, quibus procellis iactetur tua nauicula, extra
quā nulli uis esse salutem. Quid superest, nisi ut illa
demersa fluctibus, pereamus omnes? Hanc tempe-
statem accersuerunt nobis scelera nostra, agnoscimus
& cōfitemur. Agnoscimus tuam iustitiā, & no-
stram iniustitiā deploramus, sed appellamus tuam
misericordiā, quē iuxta propheticiū psalmū, superat
omnia opera tua. Multū iam pœnarū dedimus, tot
bellis attriti, tot exactionibus exhausti, tot morbo-
rum ac pestilentiarū generibus afflicti, tot inunda-
tionibus concussi, tot portentis è cœlo minantibus
terrati, nec inter hæc mala subinde noua lassescen-
tibus, ullus undecunq; portus apparet, sed atrociora
uidentur impendere. Non querimur de seueritate
tua mitissime seruator, sed agnoscimus hic quoque
tuam misericordiā, longe siquidē atrociora meruer-
amus. Verū noli clementissime Iesu perpendere
quid nostris meritis debeat, sed quid tuam deceat
misericordiā, sine qua nec angeli possent subsistere,
nec dum

nedum nos lutca uascula. Miserere nostri redemptor exorabilis, nō quod ipsi simus digni, sed hanc sancto nomini tuo da gloriā. Ne permittas, ut Iudæi, Turcæ ac cæteri, qui uel nō nouerunt te, uel inuident tuæ gloriæ, perpetuo gloriētur de nobis, diu tantq̃, ubi est deus corū, ubi redemptor, ubi seruator, ubi sponsus, quē iactant. Hæc opprobria in te recidunt, dum ex nostris malis estimatur tua bonitas: desertos credūt, quos nō intelligunt emendari. Olim quum in naui dormires, & exorta tempestas minaretur omnibus exitiū, ad inclamationē paucorum discipulorū experrectus es, & mox ad uocem tuā omnipotentē, sub sedere fluctus, cōsiluere uentri, tumultus subito uersus est in tranquillitatē magnam. Agnouerunt elementa muta cōditoris imperium. Nunc in hac longe grauiore tempestate qua periclitantur nō paucorū corpora, sed innumerabiles animæ, ad totius ecclesiæ tuę periclitantis clamorem, rogamus ut expergiscare. Tot hominū milia clamant, Domine serua nos, perimus. Tempestas uicit humanā industriā, imò uidemus opitulari uolentiū conatus in diuersum cedere. Tua uoce opus est domine Iesu. Tantū dic uerbo consilefce tempestas, & protinus illucescet optata tranquillitas. Par-

hominum milia, qui diligunt nominis tui gloriam, qui suspirant decorē domus tuę, an non ad horum preces, iram tuam remittes, ac ueterū misericordiarum tuarū recordaberis? Non cœlesti tuo artificio nostram stulticiā uertes in tuam gloriam? Non improborum mala uertes in ecclesię tuę bonū? Solet enim tua misericordia tum maxime adesse, quū rebus maxime deploratis, hominū nec uires nec prudentia possunt opitulari. Tu solus res quālibet discordes redigis in cōcordiā, unicus pacis & autor & tutor. Tu Chæos illud uetus, in quo nullo ordine nulloq; decore cōfusa iacebant discordia rerum semina, digestsisti, & admirabili ordine, quæ natura pugnant æterno fœdere sociasti. At quanto turpius est chaos, ubi nulla est charitas, nulla fides, nulla fœdera, nulla legum, nulla præpositorū reuerētia, nullus dogmatū consensus, sed uelut in dissono choro suam quisq; canit cantionem? Inter cœlestes orbes nullū est dissidiū, elementa suū quæq; locū seruant, suis quæq; fungūtur muneribus. Et sponsam tuam in cuius gratiā cōdita sunt uniuersa, fines perpetuis dissidijs ire pessum? Patieris, ut impij spiritus discordiarum autores, in tuo regno tyrannidē exerceant impune? Patieris illum fortē, quem semel expugnam deturbasti, rursus occupare tua castra? Quum mortalis inter homines uersabaris homo, ad tuam uocem

uocem aufugiebant dæmonia. Emitte quæsumus domine spiritum tuum, qui dispellat à pectoribus omnium tuum adorabile nomen profitentiū, spiritus impios, luxus, auariciæ, ambitionis, libidinis, uindictæ, discordiæq; magistros, & ut propheticiis uerbis utamur: Cor mundū deus & rex noster crea in nobis, & spiritum sanctū innoua in uisceribus nostris, spiritū sanctū tuum ne auferas à nobis. Redde nobis læticiam salutaris tui, & spiritu principali confirma sponsam tuam, ac sponsæ tuæ pastores. Per hunc spiritū terrena cœlestibus conciliaſti, per hunc tot linguas, tot nationes, tot hominum tam uarias formas in unum ecclesiæ corpus compegisti, quod tibi capiti suo per eundem spiritum cohæret. Eum si dignaberis in omnium cordibus innouare, cessabunt & illæ calamitates externæ, aut si minus cessabunt, certe te diligentibus cedent in lucrum pietatis. Digere hoc chaos domine Iesu, expandat se spiritus tuus super has aquas male fluctuantiū dogmatum. Ex quoniam spiritus tuus qui iuxta prophetæ sermonem continet omnia, scientiam habet etiam uocis, fac ut quemadmodum cunctis in tua domo uersantibus, una lux est, unū baptisma, unus deus, una spes, unus spiritus, ita sit & uox una catholicā

dedisti dona in hominibus, dilargitus es uaria spiritus tui munera. Rursum ex alto renoua ueterem munificentiam tuam, da ecclesie tue labasceti, quod dedisti nascenti. Da principibus timorem tui, ut sic Remp. administrent, tanquam breui tibi regum regi rationem de singulis reddituri: da throno tuo semper assistentem sapientiam, ut quid sit optimum factu perspiciant animo, factisque persequantur. Da pastoribus, quibus tuas uices delegare dignatus es, prophetiae donum, ut arcanas scripturas, non ex humano sensu, sed ex tuo afflatu interpretentur. Da charitatem triplicem, quam a Petro stipulatus es, ouium curam illi demandaturus. Da sacerdotibus tuis sobrietatis & castitatis amorem. Da populo tuo bonam uoluntatem obtemperandi preceptis tuis, ac promptitudinem obsequendi illis per quos iuxta tuum animum uoluisti res humanas administrari. Ita fiet, ut si principes tuo munere, te digna imperent, si pastores te digna doceant, populus bene imperantibus ac pia docentibus obtemperet, ecclesie simul cum ordine redeat pristina tum dignitas, tum tranquillitas, ad tui nominis gloriam. Niniuitis interfectioni destinatis, simul ut ad poenitentiam conuersi sunt, pepercisti: & sponsam tuam pedibus tuis aduolutam aspernaberis? Quae pro sacco habet suspiria, pro cinere lachrymas. Pollicitus es ueniam ad te conuersis

uerſis: ſed hoc ipſum tui muneris eſt, ut quis ad te
toto pectore cōuertatur, ut omnia bona noſtra re/
dundent in tuam gloriā. Conditor es, inſtaura plaſ/
ma tuum. Redemptor es, ſerua mercem tuam. Ser/
uator es, ne ſinas eos interire qui toti pendēt ex te.
Dominus es, aſſere poſſeſſionem tuam. Caput es,
ſubueni membris tuis. Rex es, da legum tuarum re/
uerentiam. Princeps es pacis, inſpira nobis charita/
tem mutuam. Deus es, miſerere ſupplicū, eſto iuxta
Pauli dictū, omnia in omnibus, ut uniuerſus eccle/
ſiæ tuæ chorus, concordibus animis, & conſonanti/
bus uocibus pro impetrata miſericordia gra/
tias agat patri & filio & ſpiritu ſancto,
qui ad abſolutum concordia ex/
emplum, perſonarū proprie/
tate diſtincti eſtis, natu/
ra unū, quibus laus
& gloria in eter/
num, Amen.

FINIS

BASILEAE IN OFFICINA FROBENIANA

per Hieronymum Frobenium & Nicolaum

Episcopium, Anno M D XXXIII



ANATHEMONE KNOXES HI BAKAAT
ANATHEMONE KNOXES HI BAKAAT
ANATHEMONE KNOXES HI BAKAAT